



ル 5
4024
3





292.216  
Sollc  
2  
中文(大野)

125  
4024  
3

長安志卷第七



唐皇城  
唐京城一

唐皇城

皇城俗號子城

東西五里一百一十五步南北三里一百四十步

沉案

新唐書志皇城長一千九百一十五步廣一千二百步

南面三門正南曰朱雀門

北當宮城之承

郭之明德門

東曰安上門

至德三載改爲光天門尋復舊

西曰含光門東面二

門南曰景風門北曰延喜門

直東當外郭之通化門貞元四年修延喜門復屬於承天門回鶻使

及回鶻公主至德宗御延喜門觀之宣宗御延喜門見河隴老幼數千人賜以冠帶

西面二門南曰順義

門北曰安福門

西當外郭之開遠門朝野僉載曰睿宗先天二年正月十五日十六十七夜於京安福門外作

燈輪高二十丈衣以錦綺飾以金銀燃五萬盞燈望之如花樹宮女千數衣羅綺曳錦繡耀珠翠施香粉一花冠一巾帔皆至

長安志卷第七

早稻田大學圖書

昭45・教育研究

<99-475>

45-1200



萬錢裝束一妓女皆至三百貫妙簡長安萬年少女婦千餘人衣服花釵媚子亦稱是於燈輪下踏歌三日夜歡樂之極未始有之武元衡赴西川節度憲宗御安福門慰遣之懿宗御北門迎鳳翔佛骨昭宗天福元年御安福樓案貞元四年築武德東門垣屬於是武庫從西廢

臺省寺衛自兩漢以後至於晉齊梁陳並有人家在宮闕之間城中南北七街東西五街其間並列

使雜人居止公私有便風宮城南門外有東西大街南北三百步東出皇城之延喜門西出

皇城之安福門承天門外橫街之南有南北大街曰承天門

街東西廣百步南出皇城之朱雀門

承天門街之東宮城之南第二橫街之北

從西第一門下外省次東殿中省次東左千牛衛次東左衛隋監門衛左翊衛二府之地武德初併為此衛門額本睿宗所題開元初進入內街東安上門街街東第

一東宮內作坊次東右春坊次東右清道率府次東右監門率

府府北右內率府府東東宮朝堂有北街街東第一右監門率

坊東有南北街街東即皇城東面延喜門之內

承天門街之東第三橫街之北

承天門街之東第三橫街之北

從西第一左監門衛武德中分取左武衛地自北衛移於此次東左武衛次東貞觀中有

府後廢左金吾內次東左驍衛衛東安上門街街東第一東宮僕寺次

東率更寺次東右司禦衛次東右衛率府府東有南北街北當東宮

朝街東第一左衛率府次東左司禦衛次東詹事府府東有南

即皇城之東面

承天門街之東面第四橫街之北

從西第一尚書省省門額本睿宗書開元初進入內後右庶子魏華所題省內當中有都堂本尚書令廳事



都堂之東吏部戶部禮部三行每行四司左司統之都堂之西  
兵部刑部工部三行每行四司右司統之舊戶部在禮部後武  
太后改從天地六官之名以戶部為地官因移在前凡二十四  
司左右丞相總領其事考功員外郎廳事有薛稷畫鶴宋之問  
為讚工部尚書廳事有薛稷畫松石並為時所重右丞廳事有  
古豕俗誤為樗里子墓案國史補曰郎官正事吏部郎中二廳  
先小詮次格式員外郎二廳先南曹次廢置刑部分四覆戶部  
分兩賦其制尚矣舊說吏部為省眼禮部為南省舍人考功度  
支為振行比部得廊下食以飯從者號此盤二十四曹呼左右  
司為都公省中語曰後行祠屯不博中行都門中行刑戶不博  
前行駕庫因話錄曰尚書省東南隅通衢有橋相傳目為拗項  
橋言侍御史及殿中久次者至此必拗項而望南宮也都堂南  
門道東有古槐垂陰至廣相傳夜深聞絲竹之音省郎有入相  
者俗謂之音聲樹都堂呼為冰廳言其清且冷也沅案樗里子  
葬于武庫在漢故城中

省東安上門街街東第一都水監次東光祿寺寺

東有南北街北當東宮朝街東軍器監本少府監甲弩坊後為

監東即皇城東面景風門之北沅案新唐書志云武德初有武  
器監七年廢八年復置九年又廢開元以前軍器皆出在尚署  
三年置軍器監十一年廢為甲弩坊隸少  
府十六年復為監敏求敘次不甚明顯

承天門街之東第五橫街之北

從西第一左領軍衛衛北有兵次東左威衛衛北有刑次東吏

部選院以在尚書省之南亦曰吏部次東禮部南院四方貢舉

也院東安上門街橫街抵此而絕

承天門街之東第六橫街之北

從西第一太僕寺寺西北隅乘黃署別開北門署內次東大府

寺舊都水寺東安上門街街東第一少府監次東左藏外庫院

隋太府寺置於此又分置坊院東有南  
北街街東即皇城東面景風門南也

承天門街之東第七橫街之北

從西第一太常寺寺東安上門街街東第一大廟其地本隋太

坊中有御井貞觀中廢玉作坊於此置太府寺賜  
坊以曝四方貢賦之物溼者先天中置廟廢坊焉中宗廟元獻



皇后廟 韋公肅禮閣新儀曰乾元元年立廟於太廟之西寶應二年遷神主於太廟貞元三年修葺奉安昭德皇后神主永貞元年 次東太廟署 署東署南並之有街即皇城東南隅也

承天門街之西宮城之南第二橫街之北

從東第一中書外省次西四方館 隋曰謁者臺即諸方通表通事舍人受事之司 次西

右千牛衛次西右監門衛次西右衛衛西含光門街橫街抵此而絕

承天門街之西第三橫街之北

從東第一右武衛 衛西貞觀中有右金吾內府後廢 次西右驍衛次西含光門

街街西將作監 即皇城西南而安福門之南

承天門街之西第四橫街之北

從東第一司農寺寺西含光門街街西第一尚書局 本帳幕坊局內有山

池 次西尚輦局次西衛尉寺次西大理寺寺西有南北街 街西即皇城西面順義門之北

承天門街之西第五橫街之北

從東第一右領軍衛次西右威衛 衛門本南向開元七年御史中丞李尚隱以此衛南門與

御史臺門相對不便 次西祕書省 監院廳事前有隕星石隋自遂白政事移門北向 省西含光門街橫街抵此而絕 瑞石頌以贊美之監院東有書閣重複以貯古今圖籍

承天門街之西第六橫街之北

從東第一宗正寺次西御史臺 御史臺記曰御史臺門北開蓋取肅殺就陰之義故京臺門北

開矣案鄴都故事曰御史臺在宮城西南其門北開又故城御史臺亦北開龍朔中置桂坊為東朝憲府門亦北開然都御史臺門南門當時搆造者不經反於故事同諸司蓋以權宜邪譚賓錄曰北開者或云自隋初移都之時兵部尚書李圖通兼御史大夫欲向省便近故開北門元和四年 次西司天監 本隸祕書省為



太史局後別為渾儀監尋復舊名而不屬祕書監內有靈臺以候雲物崇七丈周八十步沉案太史局武德四年置改渾儀監光宅元年也復舊名長安二年也景龍二年又曰太史監不隸祕書省景雲元年又為局隸省開元二年復為太史監十四年復為局天寶元年復為監不隸省乾元元年曰司天臺此敘次亦不甚明顯

一廢石臺本司農寺草坊之地載初中置臺先天中廢後為御史臺推事院沉案推事屬侍御史所謂四推者是也

臺北司農寺草坊坊門北開次西驛驢馬坊坊門北開坊西有南北街街西

即皇城西面順義門之南承天門街之西第七橫街之北橫街南即皇城南面朱雀門之西

從東第一鴻臚寺德宗建中元年以鴻臚寺左右威遠營隸金吾次西鴻臚客館如漢之藁

街四夷慕化及朝獻者所居焉右軍所題隋代重以粉墨模之次西郊社署署西署南並有街即皇城之西南隅宮城之西有掖

庭宮掖庭西南安福門內大橫街北有內侍省隋長秋監唐貞觀三年改內侍省光

宅元年為司宮臺神龍元年復舊省內有紫蘭亭沉案新唐書志長秋監武德四年曰內侍監龍朔二年為省垂拱元年曰司宮臺與此異

### 右皇城

### 唐京城

外郭城隋曰大興城文帝初封大興公及即位以名城縣門殿園池及寺焉唐曰長安城亦曰京師城東西一

十八里一百一十五步南北一十五里一百七十五步周六十

七里其崇一丈八尺隋開皇二年築永徽四年率天下口稅一錢更築之南面三門正中

曰明德門北當皇城朱雀門南出抵中南山入十里東曰啟夏

門門外西南二里有圓丘先農籍田西曰安化門東面三門北

曰通化門門東七里長樂坡上有長樂驛下臨澹水至德三載改為達禮門尋復舊德宗幸通化門觀章敬寺迎御

書額裴度赴蔡州憲宗送度於此案李晟自東渭橋移壁光泰門以薄都城光泰門在通化門東北小城之東門也兩京道里



記曰通化門改達禮門識者曰三年之喪天下  
達禮非嘉名三年而元肅晏駕還復舊名也  
外有漢太子太南曰延興門同昌公主葬懿宗與郭淑妃御延  
傳蕭望之墓興門哭送沅案主即淑妃所生

西面三門北曰開遠門中曰金光門西出趣南曰延平門北面

一門曰光化門皇城之東五門並見上皇城之西二門當皇城

西第一街曰芳林門隋曰華林門北入苑元和十三年當皇城

西第二街曰光化門城北出趣長安故郭中南北十四街東西

十一街其間列置諸坊隋煬帝改坊為里每里置里司有京兆

府萬年長安二縣所治寺觀邸第編戶錯居焉城中一百八坊

有折衝府四僧寺六十四尼寺二十七道士觀十女觀六波斯

寺二胡天祠四隋大業初有寺一百二十謂之道場有道觀十

謂之元壇天寶後當皇城南面朱雀門有南北大街曰朱雀門

街東西廣百步南出郭外之明德門自朱雀門至明德門九里

在開化一坊之間雕刻綵樓上建頌臺蛟龍蟠遶下有石馬石  
獅子侍衛之像初韋氏矯稱衣箱有五色雲氣使畫工圖像以  
示於朝及節愍太子遇害韋氏又上中宗聖威神武頌刊石以  
紀其事謂之頌臺上官昭容之文也並勒公卿姓名於上諂詞  
偽事有乖典實

萬年長安二縣以此街為界萬年領街東五十

四坊及東市長安領街西五十四坊及西市皇城之東盡東郭

西盡西郭東西三坊南北皆一十三坊象一年有閏每坊皆開

四門有十字街四出趣門皇城之南東西四坊以象四時南北

九坊取則周禮王城九達之制隋三禮圖見有其像每坊但開

東西二門中有橫街而已蓋以在宮城直南不欲開北街洩氣

以衝城闕幕布櫺比街衢繩直自古帝京未之有也朱雀街東

第一坊東西三百五十步第二坊東西四百五十步次東三坊

東西各六百五十步朱雀街西準北皇城之南九坊南北各三

百五十步皇城左右四坊從南第一第二坊南北各五百五十

步第三坊第四坊南北各四百步兩

市各方六百步四面街各廣百步

右外郭城

萬年縣所領朱雀門街之東從北第一興道坊景龍三



馬都尉武攸暨父名改曰瑤林坊景雲元年復舊

西南隅至德女冠觀隋開皇六年立太平公主宅沒官後賜散騎常侍李令問居之

次南開化坊

半已南大薦福寺寺院半以東隋煬帝在藩舊宅武德中賜尚書左僕射蕭瑀為西園後瑀子銳尚襄城公

主詔別營主第主辭以姑婦異居有闕禮則因固陳請乃取園地充主第又辭公主榮戟不欲異門乃併施瑀之院門襄城薨後官市為英王宅文明元年高宗崩後百日立為大獻福寺度僧二百人以實之天授元年改為薦福寺中宗即位大加營飾自神龍以後翻譯佛經並於此寺東院有西門之北法壽尼放生池周二百餘步傳云即漢代洪池陂也

寺隋開皇六年立國子祭酒韓洞宅尚書左僕射令狐楚宅案西陽雜俎楚宅在

開化坊牡丹最盛而李商隱詩多言晉陽里第未詳戶部尚書馬總宅河東節度使兼侍

中李光顏宅穆宗初賜第崇德坊以為別宅尚書吏部侍郎沈傳師宅前司徒

兼侍中崔垂林宅漕渠會要京兆尹韓朝宗分渭水入自金光門置潭於西市西街以貯材木又永泰

二年京兆尹黎幹以京城薪炭不給鑿渠自京兆府直東至薦福寺東街北至國子監正東至于城東街並逾景風延喜門入苑

次南安仁門本名安民門永徽元年改

西北隅薦福寺浮圖院院門北開正與寺門隔街相對景龍中宮人率錢所立東南隅贈

尚書左僕射劉延景宅坊西南汝州刺史王昕宅延景即寧王憲之外祖昕

即薛王業之舅皆是親王萬春公主宅明皇女降楊錡沅案公主初降楊肅又嫁楊錡

戶部尚書兼殿中監章仇兼瓊宅前中書侍郎同中書門下平

章事元載宅譚賓錄曰元載城中開南北二甲第又於近郊起亭榭帷帳什器皆如宿設城南別墅凡數十所婢

僕曳羅綺二百餘人杜陽編曰載宅有芸輝堂芸輝香草名也出于闐國唐實錄曰毀毀元載祖及母墳墓斲棺棄柩及焚

毀載私廟木主并毀大寧安仁里二宅充修葺百司廨宇汗宮之義也又貶同州刺史宋晦為澧州員外司馬晦嘗任虢州刺史率百姓採盧氏山木義武軍節度使同中書門下平章事上



谷郡王張孝忠宅

沉案權德輿孝忠夫人鄧國夫人谷氏神道碑云夫人終安仁里私第

太子右

庶子崔造宅太子賓客燕國公于頔宅太保致仕岐國公杜佑宅

次南光福坊

隋有聖敬寺大業七年廢

坊東南隅舊有永壽公主廟

公主中宗女景雲中廢廟賜姜皎為鞠場皎宅在廟北隔街舊寶懷

貞宅懷貞誅後賜皇后妹夫寶庭芳

驩州流人寶參宅檢校司空尚書左僕射同

中書門下平章事魏國公賈耽宅

沉案鄭餘慶神道碑云耽終光福里第

右衛上

將軍南充郡王伊慎宅

沉案權德輿伊慎神道碑云薨于光福里

次南靖善坊

大興善寺盡一坊之地

初日遵善寺隋文承周武之後大崇釋氏以收人望移都先置此寺以其本封

名焉神龍中韋庶人追贈父貞為鄴王改此寺為鄴國寺景雲元年復舊西陽雜俎曰寺取大興城兩字坊名一字為名不空

三藏塔前多老松歲旱時官伐其枝為龍骨以祈雨蓋以三藏役龍意其枝必有靈也東廊素和尚院庭有柏四株元和中和卿相多遊此院柏至夏有汗汗人衣如輟脂不可浣招國鄭相惡其汗謂素曰弟子為伐此樹各植一松也及暮素戲祝曰我種汝三十餘年汝以汗為人所惡來歲若復有汗我必薪之自是無汗素公不出院轉法華經三萬七千部夜常有貉子聽經齋時鳥鵲取掌中食天王閻長慶中造本在春明門內與南內連牆其形高大為天下之最大和二年勅移就此寺拆時腹中得布五百端漆數十甯寺殿崇廣為京城之最號曰大興佛殿總章二年火焚之更營建又廣前居二十畝之地

次南蘭陵坊

東南隅尚書右僕射韋待價宅

沉案唐書待價歷官吏部尚書攝司空改為天官尚書扶陽郡

公不及右僕射宅西工部尚書李珍宅忠武軍節度使曲環家廟太子

賓客燕國公于頔家廟

次南開明坊



自朱雀門南第六橫街以南率無居人第宅自興善寺以南四坊東西盡郭雖時有居者煙火不接耕墾種植阡陌相連光明寺

次南保寧坊

昊天觀盡一坊之地貞觀初為晉王宅顯慶元年為太宗追福立為觀高宗御書額并製歎道文

次南安義坊

貞順武皇后廟禮閣新儀曰開元二十五年立廟乾元之後祠享遂絕

右朱雀街東第一街九坊

朱雀街東第二街北當皇城南面之安上門街東從北

第一務本坊

半以西國子監景龍三年以駙馬都尉楊慎交父名監東開街若兩坊街北抵皇城南盡一坊之地監中有孔子廟貞觀四年立領國子

監太學四門律書算六學坊南街之北先天觀景龍三年韋庶人立為翊聖女

宅河東節度使兼中書令延德郡王張茂昭宅左散騎常侍于

德晦宅西川齊州進奏院鬼市輦下歲時記曰俗說務本坊西門是鬼市或風雨晦皆聞其喧聚之聲秋冬夜多聞賣乾柴云是枯柴精也又或月夜聞鬼吟六街鼓絕行人歇九衢茫茫空有月有和者云九衢生人何勞勞長安土盡槐根高

次南崇義坊

坊內橫街之北招福寺乾封二年睿宗在藩立本隋正覺寺寺南北門額並睿宗所題西陽雜俎曰正覺寺國初毀之以其地立第賜諸王睿宗在藩居之乾封二年移長寧公主錦堂重建此寺長安二年內出等身金銅像一鋪並九部樂南北門額上題岐薛二王親送至寺綵乘象輿羽衛四合街中餘香數日不散景龍二年詔寺中別建聖容院是睿宗在青宮真容也先天二年勅出內西南隅太子左庶子駙馬

都尉蘇勛宅後為英王園其地湫下無人居南街之北博陵郡

沉案勳尚高祖女南昌公主



王崔元暉宅西秘書監馬懷素宅工部尚書韋堅宅沅案唐書傳堅

為刑部尚書非工部贈太尉段秀實宅德宗所賜宣宗大中十年詔秀實崇義坊宅諸院典在人上計錢三千四百七十五貫宜賜莊宅錢收贖仍鹽鐵常平院尚書左僕

射寶易直宅明皇雜錄曰本中書令崔圖宅祿山盜國王維鄭虔張通皆處於賊庭洎剋復俱囚於宣陽里楊國忠之舊宅崔圖因召于私第令畫各有數壁當時皆以圖勳貴無二望其救解故運思精巧頗極能事其後皆得寬典至于貶謫悉獲善地其第鬻於劍南東川節度使王承業宅武俊之孫士貞子也

興元廊坊易定進奏院

次南長興坊隋有靈感觀武德初廢唐會昌五年詔皇城南六坊內不得置私廟其朱雀街緣是南郊御迹至明德門夾街兩面坊及曲江側近亦不得置餘園外深僻坊並無所禁初武宗行禮南郊見天街左右諸坊有人家私廟遂令禁斷中書門下奏朱雀門至明德門凡有九坊其長興坊是皇城南第三坊便有朝官私廟實則逼近宮闕自威遠軍向南三坊俗稱園外地至閑僻於此置廟無所妨礙從之

東北隅侍中駙馬都尉楊師道宅其地後分裂左監門大將軍韓琦尚書刑部侍郎崔元童

荆府司馬崔光意等居坊內橫街之南中書令張嘉貞宅本太常少卿崔貞元中裴延齡為德陽郡主治第時將降郭縱延齡令嘉貞之子徙所置廟德宗不許案韋述記載嘉貞宅延齡所徙乃是廟而嘉貞碑宅在思順里今無思順坊未詳宅西太子賓客元行冲宅次北隔街禮部

尚書致仕王邱宅邠寧節度使馬璘宅德宗實錄曰大曆十四年七月毀元載馬璘劉忠翼之第自天寶中京師堂寢已極壯麗而第宅未甚逾制然衛國公李靖廟已為嬖人楊氏廢矣及安史二逆之後大臣宿將競崇棟宇無復界限力窮乃止人謂之木妖而馬璘之堂尤盛計錢二十萬貫他室稱是璘卒于軍以喪歸京師士庶欲觀之假名于故吏投刺會弔者數十百人故命撤毀之自乾元觀是京師樓榭之踰制者皆毀沉案唐書璘傳亦載其事乾元觀

代宗實錄曰大曆十三年七月以涇原節度使馬璘宅作乾元觀道士四十九人其地在皇城南長興里璘初勦是宅重價募天下巧工營繕屋宇宏麗冠絕當時璘臨終獻之代宗以其當王城形勝之地牆宇新潔遂命為觀以追遠之福上資肅宗加乾元觀之名乾元肅宗尊號紀國大長公主宅肅宗女降鄭沛工部尚

也然則與德宗錄之言相戾



書致仕晉昌郡主辛京臬宅黃門侍郎同中書門下平章事杜

鴻漸宅鴻漸於長興正源第崇飾門館賦詩曰常願追禪侶安能挹化源朝士多和之沅案侶唐書傳作理太子

右庶子韋聿宅漢陽大長公主宅即德陽郡主也順宗長女國子祭酒鄭伸

宅貞元時人禮賓院元和五年置院坊之北街鎮海軍節度使同中書門下平章

事路隋宅沅案唐書作隨河東節度使王璠宅左神武統軍史憲忠宅

河南尹駙馬都尉鄭顥宅尚書右僕射駙馬都尉于宗宅沅案唐書有于琮尚廣德公主者應即其人然不言其官尚書右僕射但云乾符中同平章事而已鎮州進奏院

次南永樂坊坊內橫街之中有古冢不詳姓氏

西南隅廢明堂縣廨總章元年分萬年縣置其廨地本越王貞宅長安三年廢還萬年後以其廨地賜駙

馬都尉裴巽縣東清都觀隋開皇七年道士孫昂為文帝所重常自開道特為立觀本在永興坊武德初徙于

此地本隋寶勝寺觀東永壽寺景龍三年中宗為永壽公主立坊內橫街之北資敬尼

寺隋開皇三年太保薛國公長孫覽為其父立東南隅左丞相燕國公張說宅本侍

德真宅說大加修葺焉常侍言旨曰洪師與說置永樂東南第

一宅有永巷者戒曰此宅西北隅最是王地慎勿於此取土越

月洪又至謂燕公曰此宅氣侯忽然索漠恐必甚有取土於西

北隅者公與洪偕行至宅西北隅果有取土坑三數坑皆深丈

餘洪大驚曰禍事令公富貴一身而已更二十年外諸郎君皆

不得天年燕公大駭曰填之可乎洪曰客土無氣與地脈不相

連今欲填之亦猶人有瘡痛縱以他肉補之終無益也燕國公

子均均皆為祿山委任克復後均賜死均長流之沅案唐書傳

均與陳希烈為賊東門之南夏官尚書王璿宅兵部尚書判戶

宰相死於賊中沅案李絳神道碑云部事王紹宅紹終永樂里私第司徒中書令晉國公裴度宅

唐實錄曰度自興元請朝覲宰相李逢吉之徒百計隳沮有張

權輿者既為喉犬尤出死力乃上疏云度名應圖讖宅據岡原

不召而來其意可見蓋常有人與度作讖詞云非衣小兒坦其

腹天上有口被驅逐言度曾征討淮西平吳元濟也又帝城東

西橫瓦六岡符易象乾卦之數度永樂里第偶當第五岡故權

輿以為詞盡欲成事然竟不能動搖沅案唐書傳所載與此同



兼撫王傅賜第永樂坊 尙書兵部侍郎同中書門下平章事蕭寘宅

次南靖安坊 案靖或作靜沅案唐書武元衡傳亦作靜

西南隅崇敬尼寺 本僧寺隋文帝所立大業中廢龍朔二年高宗爲長安安定安公主薨後改立爲尼寺

東樂府置咸宜公主宅 元宗女降崔嵩沅案公主初嫁楊洞又嫁嵩 韓國正穆公主

廟 禮閣新儀曰德宗女自唐安公主追冊貞元十七年附廟 太子賓客崔倫宅門下侍郎同

中書門下平章事武元衡宅尙書吏部侍郎韓愈宅刑部侍郎

劉伯芻宅郴州司馬李宗閔宅

次南安善坊

盡一坊之地爲教弩場 隋明堂在此坊高宗時併此坊及大業坊之半立中市署領口馬牛驢之肆然

已偏處京城之南交易者不便後但出文符於署司而已貨鬻者並移于市至武太后末年廢爲教弩場其場隸威遠將軍

次南大業坊 本名宏業神龍中避孝敬皇帝諱改

東南隅太平女冠觀 本宋王元禮宅儀鳳二年吐蕃入寇求太

女冠初以頒政坊宅爲太平觀尋徙於此公主居之其頒政坊觀改爲太清觀公主後降薛紹不復入觀西有駙馬都尉楊慎

交山池本徐王元禮之池 新昌

次南昌樂坊

太子太師鄭國公魏徵家廟 大中中來孫謩爲相再新舊廟以元成爲封祖沅案元成徵之字

行臺左僕射屈突通宅 沅案唐書傳通拜陝東大行臺右僕射卒贈尙書右僕射 山南東道

節度使蔣係家廟官園 坊西官園供進梨花蜜

次南安德坊 坊南抵京城之南面東卽啟夏門沅案以下康海刻本所無明文淵閣本有今用之

右武衛將軍蘇方宅術士桑道茂宅

右朱雀街東第二街九坊



長安志卷第七

思賢講舍校刊

長安志卷第八

唐京城二

朱雀街東第三街即皇城東之第一街北當興安門大明宮南當啟夏

門街東從北第一曰翊善坊

保壽寺

西陽雜俎曰翊善坊保壽寺本高力士宅天寶九年捨為寺初鑄鐘成力士設齋慶之舉朝畢至一擊百千有窺其意連擊二十杵經藏閣規構危巧二塔火珠授十餘斛河陽從事李珣性好奇古與僧善嘗俱至此寺觀庫中舊物忽於破瓮中得物如被幅裂汗全觸而塵起琢徐視之乃畫也因以州縣圖三及繖三十換之令人裝治大十餘幅訪於常侍柳公權方知張萱所畫石橋圖也元宗賜力士因畱寺中後為鬻畫文宗特言於左軍尋有小使領軍卒數十人至宅宣勅取之即日進入文宗見之大悅命張于雲韶院

其西曰光宅坊

本翊善一坊之地置大明宮後開丹鳳門街遂分為一坊太和元年鳳翔獻鄭注首詔懸於光宅坊西北角三日而去之



橫街之北光宅寺 儀鳳二年望氣者言此坊有興氣勅令掘得石函函內有佛舍利骨萬餘粒遂立光宅寺武太后始置七寶臺因改寺額焉西陽雜俎曰寶臺甚顯登之四極眼界其上層窗下殿是畫下層窗下吳道元畫皆非其得意也丞相韋處厚自居內庭至相位每歸輒至此塔焚香瞻禮普賢堂本天后梳洗堂

次南永昌坊

坊東丹鳳門街

丹鳳門街東來庭坊

本永昌一坊之地與胡善坊同分隋末有仁法寺大業七年廢

丹鳳門街至此而絕特進王仁祐宅

永徽時人內侍高延福宅父沅

按孫翌墓志銘張說神道碑並云延福終來庭里第坊西

右衛上將軍致仕梁守謙宅莊宅司

次南永興坊

隋有善果寺大業中廢

西南隅左金吾衛

神龍中自崇仁坊徙

街西之北荷恩寺

景雲元年睿宗立西門

之北太子太師鄭國公魏徵宅

本隋安平公宇文愷宅封演見聞錄曰徵所居室屋卑陋太宗

欲為營構徵謙讓不受洎徵寢疾太宗將營小殿遂撤其材為造正堂五日而就開元中此堂猶在家人不謹遺火燒之子孫哭臨三日朝士皆赴弔後左龍武軍統軍咸寧郡王戴休顏宅裔孫蕃相宣宗居舊第焉賜第沅案唐書傳但言為左龍武將軍不及咸寧郡王鳳翔陳許湖南進奏院

次東廣化坊

左衛上將軍內侍監致仕仇士良宅

沅案鄭薰神道碑云士良終廣化里第玉山

營 六軍十二衛觀軍容使楊復恭宅在廣化坊近玉山營復恭假子守信為玉山軍使或告云謀亂詔李順節率禁軍誅之守信拒戰昭宗御延喜樓際晚守信挈其族出通化門趨興元本傳誤作昭化坊按坊無名昭化者今以延喜及通化門證之即是廣化坊也

次南崇仁坊

北街當皇城之景風門與尚書省選院最相近又與東市相連按選人京城無第宅者多停憇此因是一街輻湊遂傾兩市晝夜喧呼燈火不絕京中諸坊莫之與比大厯中魚朝恩於坊之南街



設齋會奏  
內坊音樂

西南隅元真觀

半以東本尚書左僕射申國公高士廉宅西北隅本左金吾衛神龍元年併為長寧公主第東

有山池別院即舊東陽公主亭子韋庶人敗公主隨夫為外官遂奏請為景龍觀仍以中宗年號為名初欲出賣官估木石當

二千萬山池仍不為數天寶十二載改為元真觀肅宗時設百高座講沅按唐書傳士廉為右僕射申國公非左僕射新唐書

長寧公主傳公主取西京高士廉第左金吾衛故營合為宅右屬都城左頰大道行三重樓以馮觀築山浚池又並坊西隙地

廣鞠場坊東南隅資聖寺本太尉趙國公長孫無忌宅龍朔三年改為僧寺長安三年七月火焚之灰中得經數部不損一字百

姓施捨數日之間所獲鉅萬遂營造如故寺額申州刺史殷仲容所題楷法端妙京邑所稱西陽雜俎曰淨土院門外相傳吳

生一夕秉燭醉畫就中戟手視之惡駭院門裏盧陵伽畫盧常學吳勢吳亦傳以手訣乃畫惚持三門寺方半吳大賞之

謂人曰稜伽不得心訣用思太苦其能久乎果畫畢而卒北門之東寶刹寺本邑里佛堂院隋開皇中立為寺佛殿後魏時造

之奇妙故天子東門之北尚書左僕射許國公蘇瓌宅本中書以寶刹為名

超宅沅按唐書傳亦作右僕射盧右散騎常侍舒國公褚无量

藏用神道碑序云瓌終崇仁里第坊南門之西禮會院本長寧

宅賜第沅按唐書傳作左散騎常侍蘇頌神道碑云終崇仁里第

主及駙馬楊奢交奏割宅向西一半官市為禮會院每公主郡縣主出降皆就此院成禮德宗實錄曰初開元中置禮會院於

崇仁里自兵興東都河南商汝汴淄青淮南兗州太原幽州鹽州豐州滄州天德荆南宣歙江西福建廣桂安南邕州黔南進

奏院

次南平康坊

南門之東菩提寺

隋開皇二年隴西公李敬道及僧惠英所奏立寺西陽雜俎曰寺之制度鐘樓在東惟此

寺緣李石座宅在東故建鐘樓於西寺內有郭令珙街之北陽

瑁鞭及郭令王夫人七寶帳大中六年改為保唐寺西北隅隋太師申國公李穆

化寺隋內史舍人于宣道為父建西北隅隋太師申國公李穆

宅其地景龍中為長寧公主府及鞠西門之南尚書左僕射河



南郡公褚遂良宅

自遂良父太常卿亮居焉沅按唐書傳云代張行成爲尙書右僕射西南隅國

子祭酒韋澄宅蘭陵公主宅

太宗女降兗州都督寶懷哲萬安觀天寶七載承穆公主

隅右相李林甫宅

本尙書左僕射衛國公李靖宅景龍中韋庶人妹夫陸頌所居韋氏敗靖侄孫散騎常侍

令問居之後爲林甫宅

有堂如偃月號月堂每欲排擠大臣卽處之思所以中傷者若喜而出卽其家碎矣又說其宅有妖怪

東北隅溝中至夜每火光起

有小兒持火出嘉猷觀見上明

入林甫惡之奏分其宅

東南隅立爲嘉猷觀中有精思院王維鄭虔

金字額以賜之林甫奏女爲觀主

觀中有精思院王維鄭虔吳道子皆有畫壁林甫死後改爲道士觀擇道術者居之

門之西刑部尙書王志愔宅

次北戶部尙書崔泰之宅侍中裴

光庭宅太子賓客分司東都張宏靖宅

本國子司業崔融舊第有融題壁處沅按唐書

傳敘宏靖官爵加校檢司空平章事

後充幽州盧龍等軍節度使軍叛貶撫州刺史未幾遷太子賓客少保少師卒

同華

河中河陽襄徐魏涇原靈武夏州昭義浙西東容州進奏院

次南宣陽坊

東南隅萬年縣廨

去府七里縣門屋宇文愷所造太平公主降薛紹

以縣門隘窄欲毀之高宗勅宇文

愷所造製作多奇不須毀折也坊西南隅淨域寺隋文帝開

恭帝禪位止於此寺薨焉西陽雜俎曰

本太穆皇后宅寺僧云三偕院門外是神堯皇帝射孔雀處佛殿內西座蕃神甚古質

貞元以前西蕃兩度盟皆載此神立于壇而誓

相傳當時頗有靈按此寺興造與韋述記不同街之西北秋官

尙書譙國公李誨宅

後爲韋溫宅韋氏誅後賜恩國公主沅

門之西杞國公竇毅宅

按唐書有兩韋溫此乃韋庶人從父兄

門之北尙書左僕射舒國公韋巨源宅

宅東有陝州刺史劉布進少府監楊務廉宅次

西北隔巷有國子祭酒韋

叔夏光祿卿單思遠宅街東之北刑部尙書李父宅次西有

史李衮太子賓客鄭惟忠宅沅按蘇

頌李父神道碑云父終宣陽里第東北隅兵部尙書郭元振

宅奉慈寺

本開元中號國夫人楊氏宅號國卽貴妃之姊其地

本中書令馬周宅津陽門詩曰

八姨新起合歡堂注



日號國構一堂價費萬金堂成工人償價之外更邀償技之直復與絳羅五千段工置段而不願號國問其由工曰某平生之能殫於此矣苟不以信願得螻蟻蜥蜴蜂蠶之類數其目而投於堂中使有閒隙得亡一物即不論功直也於是又以繒綵珍具與之又明皇雜錄曰貴妃姊號國夫人恩傾一時大治第宅棟宇之盛世無與其比所居本韋嗣立舊宅韋氏諸子亭午方偃息於堂廡間忽見一婦人衣黃帔衫降自步輦有侍婢數十笑語自若謂韋氏諸子曰聞此宅欲貨其價幾何韋氏降階言曰先人舊廬所未忍捨語未畢有工人數百登西廂掘其瓦木韋氏諸子既不能制乃率家童挈其琴書委於衢路而自嘆曰不才無為勢家所奪古人之戒將見於今日乎而與韋氏隙地十畝餘其他一無所酬號國中堂既成召匠坊塤以二百萬償其直而復以金盆二瑟瑟三斗為賞後曾有暴風拔樹委於堂上已而視之略無所傷既徹瓦以觀皆承以木瓦其制精妙皆此類也按嗣立宅在歸德坊與上文不同又諸坊亦無名歸德者西陽雜俎曰安祿山僞命官以田軻真為京兆尹取其宅為寺後為駙馬都尉郭曖宅今上即位之初太皇太后為昇平公主追福奏立奉慈寺賜錢二千萬繡幘三千軸左衛十寺僧四十八人

**前司空兼右相楊國忠宅**  
號國夫人居坊之左國忠第居之  
第在宮東門之南與號國相對韓國秦國費棟相接

**西門之南右羽林軍大將軍高仙芝**

**宅東門之北京兆尹李齊物宅司徒致仕薛平宅右驍衛大將**

**軍韓公武宅**  
沆按唐書傳公武居宣陽里之北門官右驍衛將軍

**將作監韋文恪宅**  
文宗時人

**右神武統軍張議潮宅**  
咸通六年歸義軍節度使張議潮自沙州入覲詔除統軍賜第一區

**東川振武鄂州進奏院權鹽院**

**次南親仁坊**

**西南隅咸宜女冠觀**  
睿宗在藩之第明皇升極於此開元初置

**退昭成遷入太廟而肅明雷於此**  
元二十一年肅明皇后亦

**觀入太廟遂為肅明道士觀寶應元年咸宜公主入道與大真**

**觀換名焉西北隅尚書右僕射燕國公子志寧宅**  
後併入相府閑地

**置廟後勅賜貴妃**

**豆盧氏後左金吾大將軍程伯獻黃門侍郎李**

**街東之北太子**

**詹事韋琨宅**  
次東又有中書侍郎楊宏武太僕卿王希雋二宅

**武為西**

**北門之東駙馬都尉鄭萬鈞宅東門之北勝王元嬰宅**

**臺侍郎**



叛臣安祿山宅

祿山故事曰舊宅在道政坊元宗以其隘陋更於親仁坊選寬爽之地出內庫錢更造堂皇院

宇窗窳周而帳帷幔幕充牣其中天寶九載祿山獻俘至京命入新宅譚賓錄曰祿山入朝勅於親仁坊南街造宅堂皇三重

皆象宮中小殿房廊窳綺疏詰屈無不窮極精妙什物充牣以金銀織傍篋笈籬等每欲賞賜之明皇輒謂左右曰祿山眼

孔大勿回元觀即祿山舊宅向父汾陽郡王郭子儀宅譚賓錄曰宅居

其地四分之一通永巷家人三千相出入者不知其居又曰親王里大啟其地里巷負販之人上至公子簪纓之士出入不聞

或云王夫人趙氏愛女方粧梳對鏡往往公麾下將吏出鎮去及郎吏皆被召令汲水持視之不異僕隸他日子弟集列啟

諫公三不應於是繼之以泣曰大人功業已成而不自崇重以貴以賤皆游臥內某等以為雖尹霍不當如此也公笑謂曰爾

曹固非所料且吾官馬食粟者五百匹官餼者一千人進無所往退無所據向使崇垣局戶不通內外一怨將起構以不臣其

有貪功害事之徒成就其事則九族塗粉噬臍莫追今蕩蕩無聞四門洞開雖讒毀是興無所加也吾是以否諸子皆伏其西

本于志 昌樂公主宅 明皇女降嗣 太子太師汧國公李勉宅 按沅

唐書傳云加 兵部尚書致仕歸崇敬宅 劍南東川節度使馮宿

宅 盧氏雜說曰宿從子衮為給事中宅南有山亭院多 西華公 養鵝鴨及雜禽之類常遣一家人主之謂之鳥省

主宅 宣宗女降工部尚書嚴祁 大同軍節度使李昌國宅 咸通 沅按即齊國恭懷公主 大軍節度使李昌國宅

耶赤心平徐州龐勛以功懿宗賜姓 名編入屬籍系鄭正房及賜第一區

次南永寧坊 隋有明覺寺 大業七年廢

東南隅京兆府籍坊南門之東隋尚書左僕射房國公蘇威宅

西門之北隋兵部尚書田宏宅 宏子仁恭德懋及孫元基 並以孝義旌表時論美之 南門

之西禮部尚書裴行儉宅東門之北贈太尉祁國公王仁皎宅

本禮部尚書鄭善果宅後臨江王囂買之神龍初宗正卿李晉

居焉繕造廊院稱為甲第晉誅後勅賜仁皎沅按太宗第十一

子江王囂非臨 西北隅中書令裴炎宅 炎死後沒官 永寧園 賜

山永寧園為邸又賜永 司天監 乾元元年改太史監為司天監 穆公主池觀為游燕地

人其地即安祿山 開府儀同三司博陵郡王李輔國宅 沅按唐 所賜永寧園也



封傳彭王傅徐浩宅尚書右僕射致仕高郢宅河東節度使同

中書門下平章事王鐸宅鐸子稷進永寧里第宣義亭子時議以鐸因緣累居大鎮營第華侈既歿

而入於官前京兆尹楊憑宅憑治第功役叢興又幽妙妾於水樂別舍訛議頗謹坐是貶臨賀尉

固其所也沉按窮幽記白樂天得楊憑宅竹前司空兼門下侍郎同中書

門下平章事王涯宅乃楊憑故第家書與祕府侔名書畫以金玉為奩軸鑿垣貯之重復祕固若不可窺

者及被誅為人破垣別取奩軸金玉河東節度使兼侍中李載

義宅太和五年載義自幽州入朝文宗賜以居第及米麵錢帛芻籍極厚太子太保涼國公李聽

宅衛尉卿李有裕宅太傅致仕白敏中宅沆按唐書傳云太子太師致仕金吾

大將軍張直方宅自幽州入朝居此沆按唐書傳直方為金吾時以幽州節度副使入朝也義成軍

節度使兼中書令王鐸宅三水小牘曰第中別立書齋退朝獨處其中欣欣如也

次南永崇坊

東南隅七太子廟其地本萬夔六州之邸總章中以為明堂縣後徙縣於永樂坊神龍初立懿德太子廟即

中宗之長子禮閣新儀曰天寶六載詔章懷節愍惠莊惠宣惠

文太子雖官為立廟比來子孫自祭或時物有闕禮儀不備宜

與隱太子及懿德太子列次諸室同為一廟遂於永崇坊東街

就懿德太子同立廟呼為七太子廟寶應二年停享大曆三年

又加靖恭廟西靈應觀隋道士宋街西之南刑部尚書韋抗宅

祕書監楊銛宅明皇貴妃之兄沆按太真外傳云銛與國忠五

家於宣陽里甲第洞開僭擬宮掖每造一堂費

逾千宗道觀本興信公主宅賣與劍南節度使鄭英又其後司

徒兼中書令李晟宅興元元年賜晟永崇里甲第詔宰臣諸節

令教坊太常備樂京兆府供具東都留守杜亞宅吏部尚書充

鼓吹迎道集宴京師以為榮觀

諸道鹽鐵轉運等使李異宅司徒兼中書令韓宏宅放生池

次南昭國坊隋有香海寺大業七年廢按此坊本犯中

宗廟諱長安中改唐中葉後多云招國招

字殊無義

理未詳

長安志卷第八



西南隅崇濟寺

本隋慈恩寺開皇三年魯郡夫人孫氏立貞觀二十三年以尼寺與慈恩僧寺相鄰而騰業坊

府少卿裴子餘宅

即廢香海寺之地

太子太傅致仕鄭綱宅尚書右丞

庾敬休宅

國史補曰敬休宅屋壁有畫奏樂圖王維嘗至其處維熟視而笑或問其故維曰此霓裳羽衣曲第三疊

第一拍好事者集樂工驗之無一

夏綏宥等州節度使李寰宅

柳玘云崔氏居昭宗賜其子方回宅

絕不

次南進昌坊

按唐人多云晉昌坊然晉進義同

半以東大慈恩寺

隋無漏寺之地武德初廢貞觀二十二年高宗在春宮為文德皇后立為寺故以慈恩為名仍選林泉形勝之所寺成高宗親幸佛像幡華並從宮中所出太常九部樂送額至寺寺南臨黃渠水竹森邃為京都之最會昌五年詔天下廢寺上都每街各留寺兩所僧各三十人左街留慈恩薦福右街留西明莊嚴六年左街添置寺八所興唐

保壽寺兩所依舊額六所請改舊名僧寺四所寶應寺改為資聖寺青龍寺改為護國寺菩提寺改為保唐寺清禪寺改為安國寺尼寺二所法雲寺改為唐安寺崇敬寺改為唐昌寺右街

入所西明寺改為福壽寺莊嚴寺改為聖壽寺入所添置二所依舊名僧寺一所天福寺尼寺一所興聖寺並依舊所請改名

僧寺五所化度寺改為崇福寺永泰寺改為萬壽寺溫國寺改為崇聖寺經行寺改為龍興寺奉恩寺改為興福寺尼寺一所

萬善寺改為延唐寺西陽雜俎曰寺本淨覺故伽藍因而營建焉凡十餘院總一千八百九十七間勅度三百僧初三藏自西

域詔太常卿江夏王道宗設九部樂迎像入寺綵車凡千餘兩上御安福門觀之太宗常賜三藏衲直百餘金其工無鉞鉞之

跡殿庭大娑羅樹大歷中安西進其木椿賜此寺四楹檉皆灼因其木大德行遙

寺西院浮圖六級崇三百尺

永徽三年沙門元奘所立初唯

五層崇一百九十九尺塼表土心倣西域窳堵波制度以置西域

經像後浮圖心內卉木鑽出漸以頽毀長安中更折改造依東

夏剎表舊式特崇於前有辟支佛西南隅楚國寺本隋興道寺

牙大如升光彩煥爛東有翻經院西南隅楚國寺之地大業七

年廢高祖起義并州第五子智雲在京為隋留守陰世師等所

害後追封為楚哀王因此立寺水竹幽靜類於慈恩西陽雜俎

日寺內楚哀王身金剛像哀王繡襖半袖猶在長慶中賜織成

雙鳳夾黃襖子鎮在寺中門有放生池太和中賜白氎黃膊衫



東南隅興唐寺

神龍元年太平公主為武太后立為閭極寺窮極華麗為京都之名寺開元二十六年改為興

唐寺明皇御容在焉

西門之南左侍極兼右相陸敦信宅次南大理卿孫

伏伽宅南門之東戶部尚書許圜師宅北門之南太子詹事陸

餘慶宅前中書侍郎同中書門下平章事元載別宅

沅按唐書載傳有大

寧安仁二宅不及此河東節度使兼中書令渾瑊宅

興元元年賜兼賜女樂五人錦綵銀器等

宰臣等將會送有司備饌次於李晟焉沅按唐書傳言賜大義

章公主宅

德宗女降張茂宗賜第

太清宮

禮閣新儀曰開元二十九年始詔兩京及諸州各置元元皇帝

廟一所依道法醮天寶元年正月陳王府參軍田同秀上言元

於元宗仍告賜靈符尹喜之故宅上遣使就桃林縣函谷關令

尹臺西得之於是置廟於太靈坊東都於積善坊九月改廟為

太上元元皇帝宮二年正月加號大聖祖三月勅西京改為太

清宮東都為太微宮諸州為紫極宮十二載二月加號大聖祖

高上大道金闕元元天皇大帝每歲四時及臘終廟獻之禮初

建廟取太白山白石為真像衣冕之服當展南向元宗肅宗德

宗侍立於左右皆朱衣朝服宮垣之內連接松竹以像仙居殿

十二間四柱前後各兩階東西各側階一其宮正門曰瓊華東

門曰九靈西門曰三清御齋院在宮之東公卿齋院在宮之西

道士雜居其間天寶五載詔刻石為李林甫陳希烈像列侍於

聖容之側林甫犯事又刻楊國忠之形而磨塵林甫之石及希

烈國忠敗又盡毀之八載立文宣王像與四真人列左右沅按

合上元載渾瑊二宅應並在大靈坊內本誤入於此也然無善本可証

次南安興坊

後改廣化坊隋有總化寺大業七年廢

街之西北淨住寺

本隋吏部尚書裴宏齊宅開皇七街北之東年立為寺有石塔本姚萇之浴室

尚書左僕射郇國公韋安石宅叛臣朱泚宅

建中中羣盜夜分數百騎取泚於進

昌先泚號其宅為潛龍宮從珍寶實之人謂潛龍勿用亡兆也

次南通善坊

杏園黃渠

次南通濟坊

坊南街抵城之南面



侍中扶陽郡王桓彥範宅山南西道節度使令狐楚家廟沅按廟碑  
劉禹錫撰 尚書右僕射盧鈞家廟

右皇城東第一街之十五坊沅按實十七坊五字當誤

朱雀街東第四街即皇城之東第二街街東從北第一

長樂坊後改延政坊

大半以東大安國寺睿宗在藩舊宅景雲元年立為寺以本封安國為名憲宗時吐突承璀盛營安國寺

欲使李絳為碑文絳不肯撰後寢摧圮宣宗欲復修未克而崩咸通七年以先帝舊服御及孝明太皇太后金帛俾左神策軍再建之西陽雜俎曰紅樓睿宗在藩時造元和西南隅興唐觀中廣宣上人住此院有詩名時號為紅樓集  
宮通乾殿造天尊殿取大明宮乘雲閣造門屋樓白蓮花殿造精思堂屋拆甘泉殿造老君殿元和初年命申尉彭忠獻帥徒三百人修興唐觀賜錢千萬使壯其舊制其觀北抵禁城因是開復道為行幸之所以內庫絹千匹柴千斤為夫元和十四役之賜莊宅錢五十萬雜穀千石充修齋醮之費元和十四教坊元和十四

仗內教坊於延政里

### 次南大窰坊

南門之東窰王憲宅宅以東岐王範宅沅按唐書憲傳憲於勝業東南角賜宅範於安

興坊東西門之北戶部尚書陸象先宅沅按唐書象先歷工刑二部尚書無戶部

次北開府儀同三司宋璟宅譚賓錄曰璟宅中造屋悉東西正陽亳州刺史致仕

王同暉宅同皎從父兄尚書兵部侍郎李巖宅天寶中人

### 次南勝業坊本名宜仁後改

西南隅勝業寺武德初高祖為沙門景暉立景暉言事多中高祖龍潛景暉夙啟先覺既立寺其坊因此改名

寺東又為街北之西修慈尼寺本宏濟僧寺隋開皇七年立貞觀二十年以與甘露尼寺相近

初自昭固寺西甘露尼寺隋開皇五年立西北隅薛王業宅本贈禮部尚書韋行

宅全東北隅窰王憲山池院街北之東銀青光祿大夫薛繪宅繪



弟子任數十人同居一曲烟黨左散騎常侍徐堅宅大僕卿騎

清華冠冕茂盛坊人謂之辭曲尚元宗建平公主禮部尚書席豫宅中書舍

馬都尉豆盧建宅沉按即衛國公主禮部尚書席豫宅中書舍

人朱巨川宅沉按李紆神道碑云巨狗脊嶺陝府鄭滑進奏院

次南東市隋曰都會市

南北居二坊之地東西南北各六百步四面各開一門定四面

明門廣狹不易於舊東面及南面三街向內開壯廣於舊街市

內貨財二百二十行四面立邸四方珍奇皆所積集萬年縣戶

口減於長安又公卿以下民止多在朱雀街東第宅所占勳貴

由是商賈所湊多歸西市西市有口馬止號行自此之外繁雜

稍劣於當中東市局次東平準局並隸太東北隅有放生池分

西市矣當中東市局次東平準局並隸太東北隅有放生池分

水渠自道政坊東入城西流注此池俗號為海池

次南安邑坊隋有右武衛大將軍

街之北元法寺本隋禮部尚書張穎宅開皇六年立為寺西陽

供養一僧僧念法華經為業積十餘年張門人譜僧通其侍婢

因以他事殺之僧死後閤宅嘗聞經聲不絕張尋知其冤慙悔

不及因捨西南隅左衛大將軍范陽公張延師宅延師兄太師

宅為寺夫華州刺史况兄植金紫光祿大夫營州都督兄弟三人同時

二品甲第宏麗高門洞開一宅之中榮戟齊列時人榮之號三

戟張宅其地景龍中司農卿趙履次東金吾大將軍楊執一宅

温居焉沉按履温安樂公主駙馬次東金吾大將軍楊執一宅

太真觀天寶五載貴妃姊裴氏請捨宅置太真奉誠園司徒兼

燧宅在安邑里燧子少府監暢以賞甲天下暢亦善殖財貞中

元末神策中尉申志廉諷使納田產遂獻舊第為奉誠園中

書侍郎同中書門下平章事趙國公李吉甫宅盧氏雜說曰李

其地形為玉杯牛僧孺宅為金杯云玉杯一破無復全金杯或

傷重可完僧孺宅在新昌里本天寶中將作大匠康習宅習自

辨圖阜以其地當出宰相每命相習必引頸望之

宅卒為僧孺所得吉甫宅至德裕貶其家滅矣

次南宣平坊平或

西南隅法雲尼寺隋開皇三年本傳鄭國公韋孝寬所立初名



人改胡聖寺景  
雲元年復舊  
寺本隋太保薛國長孫覽宅寺東義陽府

沉按唐書志京兆下無義  
街南之西鼓吹局教坊街東宗正卿

李琇宅  
又有琇弟左監門將  
尚書左僕射嚴綬宅

客羅珣宅太子少師鄭朗宅宣慈寺大理卿劉遵古宅

次南昇平坊

東北隅漢樂遊廟  
漢宣帝所立因樂遊苑為名在高原上餘址  
尚存長安中太平公主於原上置亭遊賞後

賜寧申岐薛王其地居京城之最高四望寬厥京城之內俯視  
指掌每正月晦日三月三日九月九日京城士女咸就此登賞

被西北隅有東宮藥園尚書右僕射裴遵慶宅  
罷相知選朝廷

優其年德令就第注官自宣平坊勝引士子以及東市兩街時  
人以爲盛事遵慶子向爲吏部尚書致仕所居內外支屬百餘

致仕於新昌里第內外支屬百餘人向所得俸祿必同其費然  
則向第在新昌坊也此事不

應附遵慶宅下亦敏求之誤  
刑部尚書魏少遊宅  
沉按唐書少

郎非尚  
書也  
左散騎常侍潘孟陽宅  
孟陽盛葺第舍妓媵用度過侈  
憲宗微行至樂遊原望見之以

問左右孟陽  
懼不敢治  
兵部尚書柳公綽宅  
公綽字仲郢自拜諫議大夫  
後每選官羣鳥大集於第之

庭木戟架皆滿比五日而散家人以爲候  
太子太傅致仕劉沔

宅  
沉按唐書傳作  
太子太保致仕

次南修行坊

本名修華武太后時避諱改修行坊景雲  
元年復舊後又改之隋有通法寺大業七

贈太子少保鄭宜尊宅蒲州刺史杜從則宅工部尚書李建宅

沉按白居易有唐善人  
嶺南節度使胡証宅  
証在鎮好聚斂自

墓碑建終修行里第  
其家爭入剽劫執其子殷內左軍斬之沉按殷唐書傳作激  
崔

州司馬楊收宅  
收兄發假弟嚴皆顯貴號修行楊家與靖  
恭諸楊相比沉按唐書傳貶端州司馬

次南修政坊



尚書右丞相張九齡宅尚書省亭子宗正寺亭子輦下歲時記曰新進士牲丹宴或在於此

次南青龍坊

東南隅廢普耀寺隋開皇三年獨孤皇后為外祖崔彥珍所立開元二年廢西南隅廢日嚴寺隋煬帝為晉王仁壽元年施營第材木所造因廣招名僧以居之貞觀六年廢

次南曲池坊

東北隅廢建福寺龍朔三年為新成公主所立其地本隋天寶寺寺內隋彌勒閣崇一百五十尺開元二年廢

右皇城東第二街之十一坊及東市

沅按實十坊及東市一字當衍

長安志卷第八終

思賢講舍校刊

長安志卷第九

唐京城三

朱雀街東第五街即皇城東之第三街街東從北第一坊盡坊之地築入苑

十六宅

政要先天之後皇子幼則居內東封後以年漸成長乃於安國寺東附苑城同為大宅分院居之名為十王宅榮光儀穎永濟也其後盛壽陳豐恆涼六王又就封入內宅天寶中唯十四王居內而府幕列於外坊歲時通名起居而已外諸孫成長又於十宅外置百孫院十王宮人每院四百餘人百孫院三四百人又於宮中置維城庫諸王月俸物納之給用諸孫婚嫁亦就十宮中太子不居東宮但居於乘輿所幸別院太子之子亦分院而居婚嫁則同親王公主於崇仁坊之禮會院也沅按唐書及新唐書俱云慶忠棣鄂榮光儀穎永延盛濟十二王言十王舉全數也後壽信義豐陳恆涼七王亦居之鄂光廢死忠王為太子慶頴繼薨唯榮儀十四王居院與此不同

次南興寧坊

南街東出通化門



南門之東清禪寺

隋開皇三年文帝為沙門曇崇所立大中六年改為安國寺

西南隅開府

儀同三司姚元崇宅

屋宇並官所造

其東本太平公主宅

後賜安西都護郭虔瓘沉

按此即興道坊宅

宅北特進王毛仲宅東南隅左衛大將軍泉男生宅

太子少保崔琳宅

琳祖義元父神慶伯父神基皆為相其父昆弟之子洎其自出參朝宴者數十人鳴玉啟

道自興寧里謁大明宮冠蓋相望一時矚目

華封觀

天寶六載驃騎將軍高力士捨宅置觀

大中報聖

寺東觀奏記宣宗出內藏緡帛建大中報聖寺奉獻皇后容日介福殿又以休憩之所為虔思殿由複道出造於寺

青節度使同中書門下平章事李愬宅

賜第

次南永嘉坊

坊南龍首渠

一名漚水渠隋開皇三年開自東南龍首堰下支分漚水北流至長樂坡西北分為二渠東渠北流

入苑西渠曲而西南流經通化門南西流入城經此坊又西南流經興慶宮入西流經勝業坊崇仁坊景龍觀又西入皇城經少府監南屈而北流又經都水監太

僕寺內坊之西又北流入成橋下東北隅太子太保李綱宅

網子孫茂盛四代總麻服同居朝廷美之沉按唐書傳網以武德時為太子少保貞觀時進太子少師非太保

南侍中張文瓘宅

後併入興慶宮

宅東兗州都督韋元琰宅

如父西南

隅申王撝宅

本中書令許敬宗宅後為無量壽寺廢賜申王撝宅沉按唐書傳云申王於安興坊東南賜宅即

此是也宅南贈禮部尚書永興公虞世南廟

廟北近於興慶宮及廣宮地明皇以世南

盛德之祠特勅不許毀廢街南之西成王千里宅南門之東蔡國公主宅

本書通義坊下有九華觀云開元十八年蔡國公主捨宅立新唐書元宗女無封蔡國者未詳何人次東禮部尚

書寶希玠宅西北隅涼國公主宅

此坊隋末有方士云貴氣特盛自武德貞觀之後公卿王

主居之多於眾坊公主睿宗女降辟伯陽碑云公主終永嘉里第次南興慶坊

本名隆慶明皇即位改坊內東南隅有隋禪林寺及中書令馬周尚書左僕射溫國

公蘇良嗣二宅並併入宮地其後靈王岐王宅亦以益之唐春秋日開元二十年毀東市東北角及道政坊西

北角廣花萼樓前之地今以六典參著其事



南內興慶宮距外郭城東垣

武后大足元年睿宗在藩賜為五王子宅明皇始居之宅臨大池中

宗時望氣者云此池有天子氣故龍宴遊此池上已汎舟以厭之南街東出春明門開元二年置宮因本坊為名四十年又取永嘉勝業坊之半增廣之謂之南內置朝堂十六年正月以宮成御朝德音釋徒以下罪二十年築夾城入芙蓉園自大明宮夾東羅城複道經通化門觀以達此宮次經春宮之正門西向明延喜門至曲江芙蓉園而外人不知也

曰興慶門南曰通陽門北曰躍龍門西南隅曰勤政務本樓

樓南樓十四年以置左右軍官健三千人修勤政樓其西榜曰花萼相輝樓

置宮後監王憲申王擢岐王範薛王業邸第相望環於宮側明皇因題花萼相輝之名取詩人棠棣之義帝時登樓

聞諸王音樂咸召升樓同榻宴謔宮內正殿曰興慶殿

即正衙殿也其後曰文泰殿前有瀛州門內有南薰殿北有龍池

垂拱載初後因雨水流潦成小池後又引龍首渠支分溉之日以滋廣至神龍景龍中彌亘數頃澄澹皎潔深至數丈常有雲氣或見黃龍出其中本以坊名為池俗呼五王子池置宮後謂之龍池拾遺蔡孚作龍池篇以讚其事公卿多和之今雍人相

傳呼為景龍池非是又曰九龍池池東有沉香亭

取老子生九龍池水之義以名之池東有沉香亭

樓天寶七載大同殿柱產玉芝有神光照殿太和三年修大同殿十三間唐畫記曰元宗天寶中忽思蜀中嘉陵山水遂假

吳生驛遞令往寫及回日帝問其狀奏云臣無粉本並記在心遣於大同殿圖之嘉陵江三百里山水一日而畢時有李將軍

山水擅名亦畫大同殿壁數月方畢元宗云李思訓數月之功吳道元一日之跡皆極其妙也又畫殿內五龍鱗甲飛動每欲

大雨即罩煙霧大同門西曰金明門內有翰林院

置瀛州門左曰僊雲門北曰新射殿通陽門東曰明義門門內

曰長慶殿

六典所載如此按唐雜說曰明皇為太上皇居興慶宮每置酒長慶樓南俯大道徘徊觀覽睿武

門又按行中宮勤政樓東曰明光門其內曰龍堂

唐王涇郊祀錄曰在宮內有義安殿積慶



殿文宗母蕭太后徙居興慶宮積慶殿中書門下奏準義安殿太后故事號積慶皇太后沉按義安太后即寶歷太后積慶太后本居大內後徙居此殿故以得稱冷井殿懿安郭太后崩宮之冷井殿宜天門又有同光飛軒玉華等門飛仙同金花落在宮之東俗所傳蓋衛士所居

次南道政坊隋大業七年廢有護持寺

北門之西吏部尚書侯君集宅後為申王府南門之西尚書右僕射

張行成宅宅西又有羅國公張平高宅沅按唐書行成傳作尚書左僕射東門之北工部尚書

劉知柔宅寶應寺代宗實錄與會要曰日本王緡宅緡為相溺於釋教妻李氏實妾也大歷四年以疾請捨宅

為寺代宗嘉之賜以題號每有節度使至輒諷令出錢助之西陽雜俎曰韓幹藍田人少時常為酒家送酒王右丞兄弟未遇每貫酒漫遊幹嘗徵債於王家戲畫地為人馬右丞精思丹青奇其意趣乃歲與錢二萬令幹畫十餘年今寺中釋梵天女悉齊公妓小小等寫真也寺彌勒殿即齊公寢堂

次南常樂坊坊內街之東有大家俗誤以為董仲舒墓亦呼為蝦蟇陵曲中出美酒京都稱之國

史補曰董仲舒墓門人皆下馬故謂之下馬陵諺譌為蝦蟇陵

西南隅趙景公寺隋開皇三年獨孤皇后為父趙景武公獨孤信所立西陽雜俎曰隋本曰宏善寺至開皇

十八年改南中三門裏東壁上吳道元畫地獄變相筆力勁悠變狀陰怪觀之不覺毛戰吳畫中得意處南門之西

靈花寺本隋大司馬寶毅宅開皇六年捨宅為寺西陽雜俎曰本曰大慈大歷初僧儼講經天雨花至地咫尺而滅夜

有光燭室勅改為靈花街南之東中書令來濟宅殿中監張九

皋宅九齡和政公主宅肅宗女壽州刺史郭敬之宅子儀父沅

神道碑敬之贈太子太師渾釋之廟瑊之吏部尚書致仕錢徽

宅洞靈觀

次南靖恭坊沅按唐書楊汝士傳作靜恭

街南之西祆祠沅按北魏書作天西北隅駙馬都尉楊慎交宅

宅南隔街有司農卿韋玠宅沅按唐書傳中書舍人王敬從宅



開元中為給事中中書舍人沅按口輔國大將軍符璘宅璘為

軍節度使辭嵩軍副嵩卒田承嗣盜其符璘以秘書監致仕韋

眾降焉遂賜靖恭里第一區藍田田四十頃

**建宅太常卿韋渠牟宅翰林學士吳通徵集書院工部尚書楊**

**汝士宅**與其弟虞鄉漢公魯士同居號靖恭楊家為冠蓋盛游

未為工部沅按汝士以工部侍郎改戶兵二部旋檢校禮部尚書

尚書也魏博節度使史憲誠宅太子太傅崔彥昭宅秦中記

公尚書為樂卿自靖恭宅露冕從板輿入太常觀者樂金州進

奏院沅按唐書傳無為太常卿事云是太子太保非太傅

**南門之東青龍寺**本隋靈感寺開皇二年立文帝移都徙掘城

至武德四年廢龍朔二年城陽公主復奏立為觀音寺初公主

疾甚有蘇州僧法朗誦觀音經乞願得愈因名焉景雲二年改

為青龍寺北枕高原南崇真觀本李齊古宅吏部尚書裴向竹

望爽塏為登眺之美

**園**元和中宰相武元衡遇害或告尚書左僕射致仕楊於陵宅

於陵子嗣復文宗時嗣復官平盧軍節度使其弟損與宰相路

巖居相接巖以狹欲易損馬廐廣之損兄弟在朝者且十數日

時相可拒之耶損曰凡尺寸地非吾等所有先人舊業太子少

安可以奉權臣巖不悅自殿中侍御史命鞠獄黔中

**師牛僧孺宅**其事具安邑坊秘書監張仲方宅沅按唐書張九

九皋之曾孫又有仲方傳云仲方祖九皋伯祖九齡白居易墓

志云仲方王父九皋應從本傳為是又云仲方終新昌里第

**禮部尚書温造宅太子少傅致仕盧宏宣宅儋州流人路巖宅**

沅按唐書傳無流儋州事見新唐書

**西北隅龍華尼寺**高宗立尋廢景寺東侍中李日知宅寺南曲

江寺南有流水屈曲謂之曲江其深處下不見底司馬相如賦

象中有長州也師古曰曲江岸頭曰陞陞即碇字耳言臨曲江之



洲唐開元中疏鑿為勝障南即紫雲樓芙蓉苑西即杏園慈恩寺花卉周環烟水明媚都人遊賞盛於中和上巳節即錫宴臣僚會於山亭賜太常教坊樂池備綵舟唯宰相三紫雲樓綵霞使北省官翰林學士登焉傾動皇州以為盛觀

亭文宗太和九年發左右神策軍各一千五百人淘曲江池修營門觀之仍勅諸司如有力要創置亭館者宜給與閑地任營造先是鄭注言秦中有災宜以土工厭之故濬昆明曲江二池帝又曾讀杜甫詩云江頭宮殿鎖崖州司馬楊炎家廟開元中千門遂思復昇平事而加修創焉

崖州司馬楊炎家廟蕭嵩將於曲江池側置廟或言近遊幸之所嵩遂止後楊炎貞元普濟寺貞元十三年勅曲太子太保鄭畋宅見劇談錄沅按唐書作太子少保

寺貞元十三年勅曲太子太保鄭畋宅見劇談錄沅按唐書作太子少保

次南修德坊坊內有韋庶人父鄭王

興福寺本王君廓宅貞觀八年太宗為太穆皇夾城憲宗元和尉第五守進以眾二千築夾城自雲韶過芳林門至修德里以達興福寺又詔所築夾城別開門曰元化造樓曰晨暉

西隴右副元帥同中書門下平章事李抱玉宅

次南立政坊隋有宏化寺大業七年廢按長

讓皇帝廟禮閣新儀日開元二十九年建廟於啟夏門內立政

一祭焉河東節度使韋湊家廟大中五年湊孫武昌軍

次南敦化坊一作敦教坊按長安圖

東門之北都亭驛南街之北淨影寺隋文帝為沙門惠遠立寺

東南隅行臺左僕射鄖國公殷開山宅本隋蔡王西門之北祕

書監顏師古宅貞觀永徽間太常少卿歐陽詢著作郎沈越賓

士人時人呼為吳兒坊沅按唐書詢傳詢仕隋為太常博士高

祖遷給事中貞觀初至太子率更令宏文觀學士封勃海縣男

鄭國夫人楊氏宅武惠妃京兆尹韋武宅元和

次南豐樂坊

西南隅法界尼寺隋文獻皇后為尼華暉令容所

立有雙浮圖各崇一百三十尺橫街之北大

長安志卷第九

六



開業寺 本隋勝光寺文帝第二子蜀王秀所立大業元年徙光  
昭廢宮立為證果尼寺貞觀九年徙崇德坊於此置  
靜安宮即高祖別廟儀鳳二年廢宮復立為開業寺

次南安業坊

西南隅資善尼寺 隋蘭陵公  
主捨宅立東南隅濟度尼寺 隋太師申國公  
李穆之別宅穆

妻元氏立為修善僧寺其濟度尼寺本在崇德坊永  
徽中置宮乃徙於此其額太子少詹事殷令名所題

郎國公主宅 睿宗女降鄭孝義沅按公  
主初嫁薛倣又嫁孝義 次南唐昌觀 劇談錄曰

花花每發若瓊林玉樹元和春物方盛車馬尋玩若相繼忽  
一日有女子年可十七八衣綠繡衣垂髻雙環無簪珥之飾容  
色婉婉迥出於眾從以二女冠三小僕僕皆髻黃衫端麗無  
比既下馬以白角扇障面直造花所異香芬馥聞於數十步之  
外觀者疑出自宮掖莫敢逼而視之佇立良久令小僕取花數  
枝而出將乘馬顧謂黃冠者曰曩有玉峯之期自此可以行矣  
時觀者如堵或覺煙飛鶴唳景物輝煥舉轡百餘步有輕風擁  
塵隨之而去須臾塵滅望之已在半天方悟神僊之遊餘香不  
散者經月餘時嚴休復元稹劉禹錫白居易俱有詩休復曰終  
日齋心禱玉宸魂銷眼冷未逢真不如滿樹瓊瑤藥笑對藏花

洞裏人又曰羽車潛下玉龜山塵世何由覩薜蘿顏唯有無情枝  
上雪好風吹綴綠雲鬢元稹曰弄玉潛過玉樹時不教青鳥出  
花枝的應未有詩人覺只是嚴郎卜得知劉禹錫曰玉女來看  
玉樹花異香先引七香車攀枝弄雪時迴首驚怪人閒日易斜  
又曰雪蘂瓊枝滿院春雨衣輕步不生塵君平簾下徒相問長  
伴吹簫別有人白居易曰羸女偷乘鳳下時洞中潛歇弄瓊枝  
不緣啼鳥春饒舌 京兆尹張去奢宅 弟去逸去盈同時三  
青鎖仙郎可得知

武軍統軍歸誠郡王程懷直宅 貞元十年賜懷直甲第一區妓  
州歸朝德宗賜務本里宅又賜

安業里別宅有池榭林木之勝

次南崇業坊 街前為

元都觀 隋開皇二年自長安故城徙通道觀於此改名元都觀  
東與大興善寺相比初宇文愷置都以朱雀街南北盡  
郭有六條高坡象乾卦故於九二置宮殿以當帝王之居九三  
立百司以應君子之數九五貴位不欲常人居之故置此觀及  
興善寺以鎮之劉禹錫元和十年自朗州承召至京戲贈看花  
諸君子詩曰紫陌紅塵拂面來無人道看花迴元都觀裏桃  
干樹盡是劉郎去後栽又再遊元都觀絕句曰余貞元二十一  
年為屯田員外郎時此觀未有花是歲出牧連州貶朗州司馬



居十年召至京師人人皆言有道士手植仙桃滿觀如紅霞有前篇以志一時之事旋又出牧今有十四年復為主客郎中重遊元都蕩然無復一樹唯免葵鷲麥動搖於春風耳因再題二十八字以俟後遊時太和二年三月日百畝庭中半是菩提花淨盡菜花開種桃道士歸福唐觀本新都公主宅景雲元年公何處前度劉郎今獨來立為觀沅按公主新昌觀天寶六載新昌公主因駙馬都尉前中宗女嫁武延暉蕭衡卒奏請度為女冠遂立此觀前司空同中書門下平章事王涯家廟沅按廟長慶三年置

次南永達坊

華陽池度支亭子輦下歲時記新進士杜丹宴或在永達亭子

次南道德坊

開元觀本隋秦王浩宅武后朝置永昌縣神龍元年縣廢遂為長安公主宅景雲元年置道士觀開元五年金仙公主居之改為女冠觀東南隅廢崇恩廟神龍初立以祀武氏祖禰景雲元年廢成德

軍節度使兼中書令王武俊家廟

次南光行坊

東南隅華州刺史文經野宅觀軍容使魚朝恩宅行字本犯中宗諱長安中改一作光仁

次南延祚坊

右朱雀街西第一街九坊沅按以上共十八坊修德坊以上共九坊立政坊以下共九坊

此內應有脫文

朱雀街西第二街北當皇城南面之含光門街西從北

第一太平坊

西南隅温國寺本實際寺隋太保薛國公長孫覽妻鄭氏捨宅所立景龍元年殤帝為温王改温國寺大中六年改崇西門之北定水寺隋荆州總管上明公楊紀以宅立寺東南隅舒王元名

聖寺

宅後為京兆府學又為節敏太子妃楊氏宅御史大夫王鉞宅

天寶中鉞有罪賜死縣官簿錄鉞太平坊宅數日不能遍宅內有白雨亭子簷上飛流四注當夏處之凜若高秋又有寶鈿井



長安志卷第九  
關不知 武成王廟戶部尚書王源中宅京兆尹羅立言宅中書侍郎同中書門下平章事裴垣宅

次南通義坊

西南隅興聖尼寺 高祖龍潛舊宅武德元年以為通義宮貞觀元年立為寺 西北隅右羽林

大將軍邢國公李思訓宅 本左光祿大夫李安遠宅武太后時高平王武重規居焉神龍中又為中

宗女咸安公主宅又為思訓所居思訓善畫沉按新唐書中宗女無咸安公主 後為九華觀 開元一十

公主捨宅立 東南隅戶部尚書長平公楊纂宅 沉按唐書不

南節度使同中書門下平章事魏國公崔鉉宅 及長平公

次南興化坊 隋有成道寺大業七年廢

西南隅空觀寺 隋駙馬都尉元 寺東尚書右僕射密國公封德

彝宅 中宗時嗣號王邕居之 西門之北邠王守禮宅 宅南隅街有邠王府 東門之南

京兆尹孟溫禮宅晉國公裴度池亭 白居易詩宿裴相興化池亭兼借船舫遊泛

次南崇德坊 本名宏德神龍初改

西南隅崇聖寺 寺有東門西門本濟度尼寺隋秦孝王俊捨宅年徙濟度寺於安業坊之修善寺以其所為靈寶寺盡度太宗

嬪御為尼以處之徙道德寺額於嘉祥坊之太原寺以其所為崇聖宮以為太宗別廟儀鳳二年併為崇聖僧寺 東北隅證果

輦下歲時記進士櫻桃宴在崇聖寺佛牙閣上

尼寺 本隋月愛僧寺貞觀九年徙豐樂之證果寺於此改為尼寺 西北隅廢報恩寺 嗣號王邕景龍

中娶韋庶人妹捨宅立寺韋氏敗寺廢 鑄錢院

次南懷貞坊 武太后以母號太真夫人諱真字改為懷賢坊神龍元年復舊

東北隅廢乾封縣廨 本施巫等 戶部尚書畢構宅 即乾封縣廨 西南

隅介公廟 本御史大夫樂思晦宅後為廟懿宗咸通詔增修 橫街之北尚書右僕射唐

休璟宅惠昭太子廟 禮閣新儀曰 義成軍節度使駙馬都尉韋



讓宅 大中三年侵街造舍為有司舉劾

次南宣義坊 隋有應法寶積二寺並廢

東門之北燕國公張說宅 按說宅在永樂坊此乃別宅 叛臣安祿山池亭司

徒致仕李逢吉宅 園林甚盛

次南安豐坊 隋有宣化尼寺武德中徙永平坊

戶部尚書裴寬宅

次南昌明坊 全一坊隋漢王諒宅諒敗後賜零官屬家令寺

家令寺園 貞觀中日南王入朝詔於此營第尋還國宅遂廢復為園

次南安樂坊 坊南街據京城之南面西即安化門

叛臣李希烈宅

右朱雀街西第二街九坊 長安志卷第九終

思賢講舍校刊

長安志卷第十

唐京城四

朱雀街之第三街即皇城西之第一街 南出安化門北出芳林門入苑

街西從北第一修德坊 本貞安坊武太后改

德明興聖廟 禮閣新儀曰天寶二載建在安化門內道西貞元十九年附獻祖懿祖神主於廟 西北隅

興福寺 本右領軍大將軍彭國公王君廓宅貞觀八年太宗為太穆皇后追福立為宏福寺神龍中改為興福寺寺北

有果園復有萬花池二所太宗時廣召天下名僧居之沙門元奘於西域回居此寺西北禪院翻譯寺內有碑面文賀蘭敏之

寫金剛經陰文寺僧懷仁集王羲之寫太宗聖教序及高宗述聖記為時所重政要元和十二年詔築夾城自雲韶門過芳林

門西至修德坊通興福佛寺沆按今懷仁右神策軍營昭宗自書聖教序記碑後並無賀蘭敏之金剛經

以輔興修德二坊別設右神策軍營

次南輔興坊



東南隅金仙女冠觀

景雲元年睿宗第八女西城公主第九女

西城改封金仙公主昌隆改封玉真公主所造觀便以金仙玉

真為名武宗會昌中建御容殿於金仙觀宰相李德裕為贊沉

按新唐書傳金仙初封西城縣主玉真初封崇

昌縣主皆非公主今此作昌隆與史不同也

西南隅玉貞女冠觀本工部尚書畢國公竇瑰宅武太后時以其地為崇先府

景雲二年為玉真公主作觀此二觀南街東當皇城之安

福門西出城之開遠門

車馬往來實為繁會

次南頌政坊隋有惠雲澄覺二寺大業七年並廢

南門之東龍興寺本普光寺貞觀五年太子承乾所立神龍元

為中興寺又改為龍興寺西北隅本隋

之惠雲寺有舊佛殿寺內有鄭法輪畫

街東之北建法尼寺開

皇三年坊人田通捨宅所立文帝初移都便出寺額一百二十

枚於朝堂下制云有能修造便任取之通孤貧子然唯有環堵

之室乃發憤詣闕請額而置於所居柴門貧牖上穿下漏時

陳臨賀王叔敖母與之鄰居又捨宅以足之其寺方漸修建街

北之東證空尼寺本工部尚書段倫之祖廟貞觀十七

年立為真空寺武太后改真為證空

西北隅

昭成觀本楊士達宅咸亨元年太平公主立為太平觀尋移於

大業坊改此觀為太清觀高宗御書飛白額至垂拱三

年改為魏國觀載初元年改為大業崇福觀武太后又御

書飛白額開元一十七年為昭成太后追福改立此名西南

隅尚書左僕射芮國公豆盧欽望宅崇明觀舊東南隅右散騎

常侍徐堅宅沅按唐書作護國天王院天寶二年建顯聖天

右軍巡院舊圖

次南布政坊

隋有明法道覺二寺大業武德

中並廢本名隆政避明皇名改

西門之南法海寺本隋江陵總管清河公賀拔業宅開皇九

年為沙門法海捨宅立寺因以法海為名北

門之東濟法寺隋開皇二年沙門法藏所立地本梁邨之佛堂

之寢堂太子薨後捨施於此

街東之北明覺尼寺本隋御中

造西禪院房國公蘇威所立

宅開皇中大保河間王宏立

為寺本名顯避中宗諱改

東北隅右金吾衛武侯府西南隅

胡祆祠武德四年立西域胡祆神也祠內有薩寶府官主祠拔



后時立 東南隅廢鎮國公波若寺 本蔣王暉園地景龍三年立為寺景雲中廢 東門

之北侍中魏知古宅中書令蕭嵩宅開府儀同三司畢國公寶

瑰宅 賜第昭成太后之弟沅按瑰即希瓘後改名 福祥觀 即瑰宅天寶十三年立為觀 左神武大

將軍河間郡王舍利澄宅善果寺 舊圖西南隅

次南延壽坊 隋有惠覺寺大業七年廢

南門之西懿德寺 本慈門寺隋開皇六年刑部尚書萬安公李圓通所立神龍元年中宗為懿德太子追福

改名加 東南隅駙馬都尉裴異宅 其地本隋齊州刺史盧賁宅高宗末禮部尚書裴行儉居

之武太后時河內王武懿宗居之土地平敞水木 成安公主宅

清茂為京城之最沆按異尚中宗女宣城公主 寶應經坊 大歷十二年淮西節度兵馬使李重倩敗泚

降韋捷 州李靈輝請捨所居延壽里宅為佛經坊許

寶應經坊 之仍賜名 次南光德坊 隋有常法寺大業七年廢

東南隅京兆府廡 府內廡宇並隋開皇中制度其後隨事改作錢修繕元宗時韋澳

為尹又賜錢加葺之 西南隅勝光寺 本隋幽州總管燕營宅大業元年自豐樂坊徙勝光

寺於 街東之北慈悲寺 武德元年高祖為沙門曇獻立屬隋末

此 南門之東尚書左僕射劉仁軌宅 仁軌薨後尚官柴氏居之

名 尼景雲初追柴 鄱陽公主邑司 孫思邈常居於是庭前有 太子

氏入宮寺遂廢 賓客裴珀宅吏部尚書崔邠宅 邠與弟浙西觀察使鄆金吾大

皆貴顯同居光德舊第鄆嘗構便齋宣宗聞而嘆曰崔氏一門

孝友可謂士族之法因題曰德星堂後京兆民即其里為德星

社 兵部尚書劉崇望宅

次南延康坊 隋有明輪寺大業七年廢

西南隅西明寺 顯慶元年高宗為孝敬太子病愈所立大中六年改為福壽寺 本隋尚書令越

國公楊素宅 大業中素子元感謀反誅後沒官武德中為萬春宮主宅貞觀中以賜濮王泰泰薨後官市之立寺



東南隅靜法寺

隋開皇十年左武侯大將軍陳國公竇抗所立寺門折抗宅榮戟門所造西院有木浮圖抗弟

北門之西中書令閣立本宅

後申王傳符太元居之西亭有立本所畫山水

使馬璘池亭

璘卒池亭入官貞元後羣臣多賜宴於中

諸王府

寶曆二年以延康坊官宅一區為諸王府

唐朝故事王府在王京師即令有曹局自天寶以後王不出閣所置寮案過於閑冗其胥吏數司方共一員至是瓊王府長史表簡求奏論遂創官府

次南崇賢坊

隋有緣覺融覺賢覺三寺並大業武德中廢

南門之西海覺寺

隋開皇四年淮南公元偉捨宅為沙門法聰所立

西門之南法明尼寺

隋開皇八年長安富商王道買捨宅所立

街東之南崇業尼寺

本宏業寺隋開皇十年尼法覺立於法界之西其地湫隘大業三年合州刺史

門監盧懷慎宅

懷慎居官清儉宅在陋巷屋宇殆不蔽風雨

光祿少卿竇瑗宅

昭成太后之從父父弟被咸通中河中節度使竇瑒與弟河東節度使澣同居崇賢第家富於貲疑是瑗之後

次南延福坊

隋有神通寺大業七年廢

西南隅紀國寺

隋開皇六年獻皇后獨孤氏為母紀國夫人崔氏所立

東南隅玉芝觀

本越王貞宅後乾封縣權治於此又為新都公主宅施為

宣平府西北隅瓊山縣主宅

縣主開元中適慕容氏即吐谷渾之苗裔富於財產宅內有山池院

真化府

舊圖

次南永安坊

次南敦義坊

右羽林大將軍高仙芝宅浙江西道都團練觀察使薛平家廟



**東北隅廢福田寺**

本隋靈覺寺開皇六年親王楊雄所立武德初廢乾封二年武后為其姊賀蘭氏復立為

崇福寺儀鳳二年改

**東南隅廢法覺尼寺**

隋置開元二年併入資善寺 **太尉**

**中書令臨淮郡王李光弼宅山南西道節度使鄭餘慶家廟**

**次南大通坊**

**東南隅左羽林將軍竇連山宅尚父汾陽郡王郭子儀園**

後為岐陽

公主別館

**次南大安坊**

坊南街抵京城之南面

**大安亭越王臺西街永安渠**

隋開皇三年引交水西北流入城自此經流大通信義永安延福崇

賢延康六坊之西又經西市之東又北流經布政頌政輔興崇德四坊及興福寺之西又北流入芳林園又北流入苑注之於

**渭東街清明渠**

開皇初引泔水西北流又屈而東北流入城當此坊南街又屈而東流之安樂坊之西南隅屈

而北流經安樂昌明豐安安義懷真崇德興化通義太平九坊之西又北流經布政坊之東右金吾衛之東南屈而東南流入

皇城經大社北又東至含光門後又屈而北流經尚食局東又流經將作監內侍省東又北流入宮城

**南康郡土**

**韋臯家廟**

**右皇城之西十三坊**

**朱雀街西之第四街即皇城西之第一街街西從北第**

**一安定坊**

**東南隅千福寺**

本章懷太子宅咸亨四年捨宅立為寺大中六年改興元寺

**西南隅福林寺**

其地本隋律藏寺武德元年置太原寺於永興坊以義師初起太原因以名寺後移於此咸亨三年改為福林寺 **東北**

**隅五通觀**

隋開皇八年為道士焦子順所立子順能驅役鬼神傳諸符籙預告隋文膺命之應及即位拜為開府永安

安公立觀以五通為名旌其神術

**右神策軍護軍中尉第五守進宅**

**次南休祥坊**

太和二年休祥坊百姓三百接宰相訴當坊右龍武城地賜百姓經四十餘年不納

稅今被搆仗使田全操並卻徵索時久操令角觝者五十人分捕所訴者遂鬪於通衢久之方散文宗以地為



百姓業久矣不欲收奪因賜左右三軍錢各一千五百貫其休祥地盡歸百姓

坊內有漢顧成廟餘趾廟北漢奉明園宣帝父悼皇考墓園也園北漢奉

明縣東北隅崇福寺本侍中觀國公楊恭仁宅咸亨元年以武皇后外氏故宅立為太原寺垂拱三年改為魏園寺載初元年又改為崇福寺額武太后飛白書東南隅萬善尼寺本在故城中周宣帝大象二年

置開皇三年移於此盡度周氏皇后嬪御以下千餘人為尼以處之寺西昭成尼寺隋大業元年元德太子為尼善惠元懿立為慈和寺永徽元年廢崇德坊之道德寺乃移額及尼於此寺先天二年又為昭成皇后追福改為昭成寺

南門之西武三思宅本駙馬都尉周道務宅神龍中三思以子崇訓尚安樂公主大加彫飾三思誅後主

移於金城坊開元中道務子勵言復居之延唐觀

次南金城坊本漢博望苑之地初移都百姓分地版築土中見金聚欲取便沒隋文帝曰此收金城之兆因以金城為坊名隋釋梵法眾二寺大業七年廢

西南隅匡道府即漢思后園漢武帝衛皇后墓園也宣帝追諡改葬於此地本長安故城之杜門

外大道東也北門有漢戾園戾太子史良娣墓園東南漢博望苑本在門外東也

東南隅開善尼寺隋開皇中宮人陳宣華蔡容華二人所立寺北廢太清觀本勃逆初封安樂公主出降武三思子崇訓誅後自休祥坊移宅於此改適武承嗣之子建秀及誅後勅太清觀道士史崇元居焉崇元以先天二年謀逆伏法其觀遂廢西南隅會昌寺本隋海陵公賀若誼宅義寧元年義師入關太宗領兵於此武德元年立為寺街南之東樂善尼寺本名舍衛寺隋開皇六年尉遲迴孫太師為其祖所立景龍元年改為溫國寺二瑞聖寺舊圖

次南醴泉坊本名承明坊開皇二年繕築此坊忽聞金石之聲因擲得甘泉浪井七所飲者疾愈因以名坊隋有光寶救度二寺大業武德中廢

西南隅三洞女冠觀本靈應道士觀隋開皇七年立貞觀二十二年自永崇坊換所居於此觀北

妙勝尼寺開皇二年周靜帝皇后平原公主所立街北之西醴泉寺隋文帝於此置醴泉監取

甘泉水供御廚開皇十二年廢監立寺

街南之東舊波斯胡寺儀鳳二年波斯三卑路斯奏請於此

長安志卷第十

長安志卷第十

長安志卷第十

長安志卷第十

長安志卷第十

長安志卷第十

長安志卷第十

長安志卷第十

長安志卷第十



置波斯寺景龍中幸臣宗楚客築此寺地入西門之南祇祠東其宅遂移寺於布政坊之西南隅祇祠之西

南隅太平公主宅公主死後沒官為陝王府宅北有異僧方回宅太平公主為造宅之南門之東

中書令宗楚客宅楚客謀死其宅後賜申王攜烈士臺世傳安金藏之居

次南西市隋曰利人市

南北盡兩坊之地市內有西市局隸大府寺市內店肆如東市之制長安縣所領四萬餘戶

比萬年為多浮寄流寓不可勝計市西北有池長安放生池平中沙門法成所穿支分永安渠以注之以為放生池

準局獨柳刑人之所

次南懷遠坊隋有法寶寺大業七年廢

東南隅大雲經寺本名光明寺隋開皇四年文帝為沙門法經所立時有延興寺僧曇延因隋文帝賜以蠟燭

自然發焰隋文奇之將改所住寺為光明寺曇延請更立寺以廣其教時此寺未制名因以名焉武太后初此寺沙門宣政進大雲經經中有女主之符因改為大雲經寺遂令天下每州寺

一匹大雲經寺此寺當中寶閣崇百尺時人謂之七寶臺寺

內有浮圖東西相值東浮圖之北佛塔名三絕塔隋文帝所立塔內有鄭法輪田僧亮楊契丹畫跡及巧

工韓伯通塑作佛像故以三絕為名街東之北功德尼寺本在安定坊開皇五年周宣帝女細腰公主所

立武德中移於此

次南長壽坊隋曰廣恩坊避煬帝諱改有願力寺大業七年廢

西南隅長安縣廨去府六里南門之東永泰寺本梁太尉吳王蕭岑宅隋開皇四年立帝

為沙門曇延立為延興寺寺東院莒公蕭瑄宅當隋亡北門之捨入寺神龍中宗為永泰公主追福改為永泰寺

東大法寺本宏法寺武德中光祿大夫李遠所立神龍元年改街西之北崇義寺本隋延

詮宅武德二年桂陽公主街北之西鄴國公楊溫宅開府儀同為駙馬都尉趙慈景所立

三司尉遲敬德宅中書令閻立本宅前中書侍郎同中書門下

平章事元載家廟大曆四年有虎止于載之私廟命將軍薛岷周皓發弩手射殺之

次南嘉會坊



西南隅褒義寺 本隋太保吳武公尉遲剛宅初剛兄迴置妙象寺於故都城中移都後剛捨宅立寺名褒義材木皆舊 街西之北靈安寺 武德三年高祖為衛懷王霸立 鄭國莊穆公主廟 禮閣

新儀曰德宗女曰義章公主追冊貞元十七年祔廟 次南永平坊 本名永隆明皇即位改

東門之北宣化尼寺 隋開皇五年周昌樂公主及駙馬都尉王安捨宅所立 東南隅宣城

公主宅 公主薨後太子太師竇希球居之 高安長公主宅 高宗女降穎州刺史王勗 天平軍

節度使殷侑家廟 沅按廟太和甲寅歲立馮宿撰碑文

次南通軌坊 鄼公廟文敬太子廟 禮閣新儀曰貞元十七年置在長安坊後徙於此

次南歸義坊

全一坊隋蜀王秀宅 隋文帝以京城南面次遠竟虛文耗乃使諸子並南郭彥名秀死後沒官為家令寺

園

次南昭行坊 本名顯行避中宗諱長安中改坊南街抵京城之南面

街之南汝州刺史王昕園 引永安渠為池彌亘頃畝竹木環布荷苻叢秀

右皇城西第二街之十一坊及西市 沅按實十二坊疑字誤

朱雀街西第五街即皇城西之第三街街西從北第一

修真坊 隋有積善寺武德中徙義靈坊

坊有漢靈臺餘址 崇五丈周一百二十步述征記曰長安宮南靈臺上有相風銅鳥或曰此鳥遇千里風乃動

次南普寧坊 南街西出通衢遠門

坊西街有漢太學餘址 其地本長安故城南安門之外 次東漢辟雍次東漢明

堂 二所並磨滅無復餘跡 東南隅東明觀 顯慶元年孝敬升儲所立 街東之北靈化寺



隋開皇五年沙門善吉所立北冢崇五尺不詳姓名西南隅太尉英國公李勣宅北門之西司農鄉韋機宅西北隅祆祠

次南義寧坊 本名熙光坊 義寧元年改

南門之東化度寺 本真寂寺隋尚書左僕射齊國公高顯宅開皇三年顯捨宅奏立為寺武德二年改化度寺寺中有無盡藏院敬宗賜化度經院金字額御數以觀之大中六年改為崇福寺西北隅積善尼寺 隋開皇十一年高顯妻賀跋氏所立其宅本賀跋氏之別宅街東之北波斯胡寺 貞觀十二年國胡僧阿羅斯立東南隅尚書右僕射戴至德宅

次南居德坊 南街西出通金光門坊內隋有依法寶岸凝觀三寺並大業廢

漢圓丘餘趾東南隅先天寺 本寶國寺隋開皇三年勅大興長安兩縣各置一寺因立寶昌禪林西北隅普集寺 隋開皇七年二寺東西相對時人謂之縣寺其地本漢之圓丘先天元年改為先天寺府儀同三司鮮于遵義捨宅所立南門之西奉恩寺 本將軍尉遲樂宅神龍二年立為寺大中六年改興

東門之南真心尼寺 隋開皇八年宦者儀同三司宋祥捨宅立街東之北真化尼寺 開皇十年冀州刺史馮臘捨宅所立武太后改為光化寺神龍元年復舊東南隅中宗昭容上官氏宅 後為南陽郡王所居

次南羣賢坊 隋有監門大將軍黃城公元瓚上柱國鄜城公梁軌二宅又有法身寶王二寺大業七年廢

南門之東司禮大常伯劉祥道宅 宅接先天寺兼據漢圓丘舊址因基高築亭焉

次南懷德坊

西南隅羅漢寺 隋開皇六年雍州牧楚公豆盧勣所立街西之北辯才寺 本孝王亮隋代舊宅亮子司空淮安王神通以開皇十年為沙門智疑立此寺於羣賢坊以智疑辯才不滯因名寺為武德二年徙於此東門之北慧日寺 開皇六年立天官侍郎李至遠宅 沅按唐書本傳至遠為天官郎中與

此宏光寺



次南崇化坊

本名宏化避孝敬皇帝諱改

東南隅龍興觀

本名西華觀貞觀五年太子承乾有疾勅道士秦英祈禱獲愈遂立此觀垂拱三年以犯武太后祖諱改為金臺觀神龍元年又改為中興觀三年改為龍興觀

東門之北經行寺

本隋長安宅開皇十年邑人張緒市之立為寺大中六年改龍興寺

西南隅靜樂尼寺

隋開皇六年所立

節度使烏重允家廟

次南豐邑坊

南街西出通延平門此坊多假貨方相輜車送喪之具

東北隅清虛觀

隋開皇十年文帝為道士呂師元所立師元辟穀鍊氣故以清虛名之

次南待賢坊

此坊隋初立天下諸州朝集使邸改以待賢為名隋又有左鎮軍大將軍史萬年宅

東北隅天長觀

本名會昌觀隋開皇七年文帝為秦孝王俊所立開元二十八年改千秋觀天寶七載又改天

長觀節愍太子廟

次南永和坊

本名瀆和元和初避憲宗名改

東北隅隱太子廟

次南常安坊

東北隅章懷太子廟

神龍中立

次南和平坊

坊內南北街之東築入莊嚴寺街之西築入總持寺

次南永陽坊

坊之西南即京城之西南隅

半以東大莊嚴寺

隋初置宇文改別館於此坊仁壽三年文帝為獻后立為禪定寺宇文愷以京城之西有

昆明池地勢微下乃奏於此寺建木浮圖崇三百三十八周回一百二十步大業七年成武德元年改為莊嚴寺天下伽藍之

盛莫與於此寺內有佛牙長三寸沙門法獻從烏踵國取以歸豫章王暕自揚州持入京隋文帝改置此寺大中六年改聖壽

寺半以西大總持寺

隋大業三年煬帝為文帝所立初名大禪定寺內制度與莊嚴寺正同武德元年改

為總持寺莊嚴總持即隋文獻后宮中之號也寺中常貢梨范密景龍文館記曰隋主自立法號稱總持呼蕭后為莊嚴因以



名寺恭僖貞獻二太后廟

右皇城西第三街之十三坊

昌化坊

太華公主宅 明皇女 義陽公主宅 德宗義陽公主降王 禮賓院

敬宗初廢禮 檢校尚書左僕射同中書門下平章事韓滉宅岐

賓院賜教坊 陽公主宅 憲宗女降宰相杜 同昌公主宅 懿宗女降宰相韋保

權戶牖以眾寶飾之金銀為井欄水精火齊琉璃玳瑁等牀悉

摻以金龜銀鑿合百寶為圓按大會韋氏一族於廣化里暑氣

特甚公主命取澄水帛以蘸之挂於南軒滿座則皆思挾纈澄

延平坊

其街乃刑人之所 元和五年斬成德軍逆將一十

修仁坊

宏道觀 坊內舊有隋國子學及右屯衛大將軍麥鐵杖宅顯慶

正平坊

安國觀 本太平公主宅長安二年睿宗在藩公主奉焉至景雲

元年立為觀乃以本封為名開元十年玉真公主居之

右四坊別見 疑改易坊名

李義琰宅 義琰宅至福隘雖居相位在官清儉竟終方丈之報

聖寺 宣宗時河湟平出內藏緡帛建報聖寺於京城設憲宗

右別見 皆失坊名

章敬寺 大歷元年作章敬寺於長安之東門總四千一百三十

餘間四十八院內侍魚朝恩請以通化門外莊為章敬

皇后立寺故以章敬為名代宗實錄曰是莊連城對郭林沼臺

榭形勝第一朝恩初以得之及是進幸窮極壯麗以為城市材



木不足充費乃奏壞曲江亭館華清宮觀風樓及百司行廨並  
將相沒官宅給其用焉土木之役僅餘萬億會要曰因拆哥舒  
翰宅及曲江百司廨室及華清宮之觀風樓造焉沉按唐書魚朝恩傳作大曆二年定昆池神龍中安樂  
昆明池中宗不與主發怒自以家財別穿池號曰定昆池沉按  
唐書武延秀傳延秀令楊務廉於城西造定昆池於其莊延表  
數里振旅亭譚賓錄曰天寶八載於開遠門外作振旅亭以待兵回

右城外

長安志卷第十終

思賢講舍校刊

長安志卷第十一

縣一

萬年

萬年縣唐亦今次赤

本漢舊縣高帝置屬左馮翊今在櫟陽縣東北

二十五里櫟陽故城是

沉案元和郡縣志云三十五里

三輔黃圖曰太上皇葬

櫟陽北原起萬年陵因置萬年縣王莽改曰異赤

沉案此縣為漢南陵霸陵

杜陵奉明四縣地故城皆在焉其奉明故城敏求缺載

晉屬京兆郡

沉案此縣亦為後魏晉杜城霸城地

復屬馮翊郡

沉案此縣亦為後魏杜山北霸城三縣地

周地圖記曰後周明帝二年

分長安霸城及姚興所置山北三縣於長安城中別置萬年縣

屬京兆尹

沉案太平寰宇記云八角街已東屬京兆尹

取漢縣舊名也太和三年省

山北縣建德二年又省霸城杜城二縣皆併入

沉案杜城當作杜地形志云杜



晉曰杜城後改也隋開皇三年遷都改萬年為大興徙治宣陽坊沉案太平

陽坊東南隅領市一坊五十四唐武德元年復為萬年縣二年

析置芷陽縣七年省總章元年析置明堂縣沉案元和郡縣志及唐書皆云乾封

元年置此及太平治永樂坊長安二年省沉案唐書志云三年

天寶七載改萬年縣為咸寧縣至德三載復舊沉案元和郡

志云乾元復舊梁開平元年改為大年縣後唐同光元年復舊

縣境東西三十七里南北二百七十里

七鄉管二百九十六邨二里唐四十五鄉霸橋東有大陵鄉元載祖墓在黃臺鄉真光中有霸城

鄉餘不傳沉案水經注奉明縣有廣明鄉庾信撰將軍侯英陳

道生墓志云葬于京兆洪原鄉又安平縣公崔說神道碑云葬

于京兆平原鄉之吉遷里常袞撰新平郡王嚴墓志云遷窆于

萬年縣龜川鄉細柳原白居易撰永穆公主墓志云詔葬于萬

年縣上好鄉洪平原韓愈撰校書郎李觀墓志云葬

之於國東門之外七里鄉曰慶義鄉則皆古鄉名也

洪固鄉在縣南一十五里管邨四十八胄貴里沉案路巖撰渾

大父城葬于京兆府萬年縣洪固鄉胄貴里歐陽詹撰左饒衛

將軍馬實墓志云葬于京兆府萬年洪固鄉延信里司馬邨之

少陵原沉案權德輿撰右僕射姚

少陵鄉在縣南三十里管邨四十八南仲神道碑云與夫人之

白鹿鄉在縣南四十五里管邨五十

薄陵鄉在縣東三十五里管邨三十六

東陵鄉在縣東三十里管邨四十

苑東鄉在縣東北二十里管邨三十九

社壇在縣東南二十里平康坊



南郊壇

百神壇

靈星壇以上並在縣南十五里啟夏門外

風師壇

青帝壇

先農壇以上並在縣東北一十五里澆水東

九宮壇在縣東南一十里古城春明門外

馬祖壇大歷五年置

鳴犢鎮在縣南六十里

鎮西原下有鳴犢泉俗傳因犢跑鳴而得泉武宗略于太白原即鎮之西原也

霸橋鎮在縣東二十一里

滋水驛疑在此

渭橋鎮在縣東四十里

即東渭橋李晟屯兵處

義谷鎮在縣南八十里

入乾祐路俗曰谷口鎮

莎城鎮唐昭宗乾寧二年繇啟夏門出居之今廢

太寧驛在縣城東草市東至昭應驛四十六里西至秦川驛四

里

滋水驛在縣東北三十里兩京道里記曰隋開皇十六年置

長樂驛在縣東十五里長樂坡下兩京道里記曰聖歷元年勅

滋水驛去都亭驛路遠馬多死損中間置長樂驛東去滋水驛

一十三里西去都亭驛一十三里

霸橋隋開皇三年造唐隆二年仍舊所為南北兩橋

漢有霸館王莽更曰

長存館霸橋王莽更曰長存橋

橫霸官渡在縣東南二十五里

入藍田路



渭橋渡在縣東北二十里

光泰門渡在縣東二十里入高陵耀州路

官磴店在縣東界

終南山在縣南五十里東自藍田縣界西入縣界石鑿谷以谷水與長安縣為界東西四十里禹貢終南惇物至于鳥鼠孔安國注三山名言相望也詩曰終南何有有條有梅毛注周之名山中南也春秋左氏傳曰荆山中南九州之險也杜注曰中南在始平武功縣南漢書曰太一山又為終南山沅案地理志太一山古文以為終南山五經要義曰太一一名終南山在扶風武功縣則終南太一不得為一山明矣蓋終南南山之總名太一山之別號耳沅案水經注曰太一山關中記曰終南山一名中南言在天中居都之南亦曰太白山

也又曰終南太一左右三十里內名福地沅案初學記云福地

長安西南五十里左右四十里內皆福地此云關中記非三秦記曰太一在驪山西去長安

二百里山之秀者也沅案初學記所引文與此不同一名地肺山西京雜記曰終南山多合

離草葉似江離而紅綠相雜莖皆紫色如羅勒有樹直上百尺無枝上結叢條狀如車蓋一青一赤望之斑駁如錦繡長安謂之丹青樹亦皇甫謐高士傳曰秦有東園公夏黃公綺里季角

云華蓋樹里先生時呼四皓沅案高士傳無時呼四皓四字共入商雒隱地肺山以待天

下定及秦敗漢高帝召之四人乃深自匿終南山不能屈已沅案

初學記引云漢高祖徵之不至乃深自匿終南山今本高士傳同已舊作之非漢東方朔傳曰終南山

天下之大阻也沅案傳無終字大字其山多沅案多傳作出玉石金銀銅鐵豫章

檀栢異類之物不可勝原此百工所取給沅案舊本脫所字萬姓所仰

足也唐文宗詔曰每聞京師舊說以為終南山興雲即必有雨



若晴霽雖密雲他至竟夕不霑濡宜命有司建立祠宇

畢原在縣西南二十八里

沅案史記集解皇覽云文武王周公冢皆在京兆長安鎬聚東杜中史

記正義引括地志云武王墓在雍州萬年縣西南二十八里畢原上元和郡縣志曰書序云周公薨成王葬于畢是也而敏求于此縣不載文武周公墓今人竟以渭北之秦文武冢當之矣

白鹿原在縣東南二十里

沅案元和郡縣志曰在縣東二十里

自藍田縣界至澆

水川盡東西一十五里南接終南北至霸川盡南北一十里亦

謂之霸上

事見藍田

少陵原在縣南四十里南接終南北至澆水西屈曲六十里入

長安縣界即漢鴻固原也宣帝許后葬於此俗號少陵原

沅案前云

二十里此云四十里微異又案外戚傳云許后葬杜南是謂杜陵南原師古曰即今之所謂小陵者去杜陵十八里  
樂遊廟在縣南八里漢書宣帝起樂遊廟在曲江北亦曰樂遊

原

沅案太平寰宇記云在昇平坊

長樂坡在縣東北一十里即澆水之西岸十道志曰舊名澆坂

隋文帝惡之改曰長樂坡蓋漢長樂宮在其西北

高望堆長安圖曰在延興門南八里

潘岳西征賦曰馮高望之陽隈

御宿川在縣西南四十里

沅案元和郡縣志及太平寰宇記云在縣南二十七里

揚雄羽

獵賦序曰武帝開上林東南至御宿川

沅案雄傳無東字川字

孟康注曰

為諸離宮別觀禁御不得使人往來遊觀止宿其中故曰御宿

川漢元后傳夏遊御宿師古曰御宿苑在長安城南今之御宿

川是也

三秦記曰樊川一名御宿川

樊川一名後寬川在縣南三十五里十道志曰其地即杜陵之

樊鄉

沅案說文樊鄉字作登

漢高祖至櫟陽以將軍樊噲灌廢邱功最賜



長安志卷第十一  
五  
噲食邑於此故曰樊川三秦記曰長安正南秦嶺嶺根水流爲秦川一名樊川

金塢在縣北漢文帝廟在其北

一作縣北苑內

義谷在縣東南八十里東南至乾祐縣及金商等州西南有路至興元府

錫谷在縣東南六十里有路至舊歸安鎮合義谷路通興元府

羊谷在縣東南六十里

炭谷在縣南六十里

郊谷在縣東南六十里

竹谷在縣南六十里

方輿記曰竹水俗謂之赤水出于媚谷沅案水經注云竹水南出竹山北逕媚加谷歷廣鄉原東俗謂之大赤水北流注于渭卽此水也西山經竹山赤水出是

石鰲谷在縣西南五十里

荆谷在縣東南二十五里

渭水在縣北五十里西自長安縣界流經縣界入臨潼渭陽之詩曰我送舅氏于渭之陽史記曰西伯獵遇太公渭之陽與語大說又曰秦武王三年渭水赤三日昭王三十四年又赤三日洪範五行傳曰赤者火色也盡赤以火沴水也渭水秦大川也陰陽亂秦用嚴刑敗亂之象漢書曰武帝元光六年春穿漕渠通渭三輔決錄曰項仲山飲馬渭水日與三錢以償之山海經曰渭水出鳥鼠同穴山東注河入華陰北

鳥鼠同穴山今在隴西首陽縣渭水出其

東經南安天水略陽扶風始平京兆至宏農華陰縣入河列子曰夸父逐日渴飲渭水不足

乃渴死淮南子曰渭水多力宜黍



霸水在縣東二十一里沉案元和郡縣志云在縣東二十里自藍田縣來合澆水

北流入渭

澆水在縣東北流四十里入渭十道志曰荆谿狗柳二水之下

流也水經注曰澆水出京兆藍田北至霸陵入霸沉案水經曰澆水出京兆

藍田谷北入于霸此云是注又增至霸陵三字非二水終始盡于苑中不復出沉案此十一字

水經注地理志曰澆水出南陵縣之藍田谷西北流與一水合

水出西南莽谷沉案西北流以下十三字地理志所無蓋敏求誤以水經注文屬于地理志又曰澆

水北至霸陵入霸水史記曰秦都咸陽霸澆長水澧澆涇渭皆

非大川以近咸陽盡得祠之沉案又曰已下所引亦與今本不同或今本水經注脫之

澆水今名沈水一作沈自南山皇子陂西北流入縣界字林曰澆

水出杜陵縣許慎說文曰澆古穴反沉案此徐鉉音反今作切水名在京兆

杜陵漢書注晉灼曰澆音決師古曰地里志鄠縣有澆水北過

上林苑入渭而今之鄠縣則無此水沉案地里志鄠有澆水澆當為澆字之誤說文云澆

水出扶風鄠縣北入渭是也然唐本已誤為澆師古有音此云縣無此水蓋承其誤矣水經注曰澆水自

樊川西北流經杜伯冢沉案水經注云杜伯冢南又西北經下杜城其字或

作水芻宄與沈字相似俗人因名沈水沉案其字下十括地志七字非水經注

曰澆水又名石壁谷水又名高都水漢王氏五侯大治池宅引

高都水入長安城事見上卷王根第下李善曰澆水徑至昆明池入渭十道

志曰澆水即沈水也亦名澆水沉案太平寰宇記亦曰長安縣澆水即沈水也東自萬年縣界流入今俗名阜河是也

福水即交水也水經注曰上承樊川御宿諸水出縣南山石壁

谷南三十里與直谷水合亦曰子午谷水沉案水經注云豐水西北流又北交水自

東入焉又曰沈水又西北支合故渠渠有二流上承交水合于高陽原而北逕河池陂東而北注沈水此所引無之太平寰宇



記文與此同亦不云出水經注

庫谷澗水

沅案地形志云山北有苦谷澗水出焉水經注亦北云西川上承礧山之斫盤谷次東有苦谷俱作苦

流二十五里合採谷水下流入荆谷水號澗水下流二十五里

合霸水號霸水北流二里入渭

採谷水來自藍田縣界西北流三十里入縣界二十里合採谷

為澗水北流四十里入霸水

石門谷水來自藍田縣北流十里入縣界合採谷水北流一十

五里合庫谷水為澗水

荆谷水一名荆谿來自藍田縣至康邨入縣界西流二十里出

谷至平川合庫谷採谷石門水為荆谷水一名澗水

兩京道里記曰荆谿

本名長水後秦姚興避諱改焉

義谷水自縣界由乾祐縣下流入山一百里至谷口西北流二

十里合錫谷羊谷水入坑河西流一十五里入長安縣界

郊谷水北流一十里合錫谷水自谷口北流一十里為坑河入

長安縣分界

石驚谷水北流一十五里復西流一十里入長安縣界

漕水由縣界坑河分水約五里西流

龍首渠一名澗水渠漢書曰穿渠得龍骨故名龍首渠

沅案漢龍首渠

引洛水在今同州隋龍首渠引澗水在此名偶同耳敏求誤合為一

自縣界龍首鄉馬頭壩壩澗

水入此渠西流由府城東過入長安縣界

兩京道里記曰隋開皇二年引水北流入

苑渠水長樂坡上

黃渠自義谷口澗分水入此渠北流一十里分兩渠一東北流



入庫谷一西流入樊川灌溉稻田西流入坑河

九龍池在縣東南五里九曲池在其西

曲江在縣南十里

永安坡在縣南二十五里周七里十道志曰秦葬皇子起冢陂

北原上因名皇子陂沉案此即秦悼太子冢前人俱未考耳據史記秦本紀云昭襄王四十年悼太子死

魏歸葬芷陽徐廣曰水在雍州藍田縣西今霸陵正義曰括地志云產與咸寧藍田為界也隋文帝改

豐潤陂在縣東北二十五里周六里三輔舊事曰後周太祖名為中都陂隋文帝改

洛女陂在縣東一十五里三輔舊事曰洛女冢南有洛陂俗號

洛女陂

軹道在通化門東北十六里沉案史記作軹漢書作枳漢元年秦王子嬰素

車白馬降沛公處蘇林曰枳道亭名在長安東十三里沉案史記索隱

引蘇林說作三十里非師古曰枳音軹軹道亭在霸成觀西四里沉案師古語止

此漢時有白蛾飛自東郭門經軹道入苑內地道記曰在霸水

西

長門亭漢書文帝出長門沉案漢書注如淳曰亭名也史記封禪書作出長安門徐廣曰在霸城正

義曰括地志云長安門故亭在雍州萬年縣東北苑中後館陶公主長門園武帝長門宮皆以此立名若見五人

於道北立五帝壇

郎官亭漢武帝陳皇后葬霸陵郎官亭東沉案水經注曰在長安東南三十里

千人聚皇覽曰衛思后葬城東南桐柏園今千人聚是關中記

曰宣帝父曰悼皇考母曰悼夫人墓曰奉明園衛皇后曰思后

以倡優雜伎千人樂思后園今所謂千人鄉者是漢書成帝建始四年長安



城南有鼠銜黃蒿柏葉上民家柏及榆樹為巢桐柏尤多師古曰桐柏本亭名衛思后于其地葬也沅案地理志有奉明縣宣帝置本紀云元康元年益奉明園戶為奉明縣本名廣明其故城亦當在此

獸圈在通化門東北二十五里

霸陵故城在縣東北二十五里霸水之東沅案史記正義同太平寰宇記云在東北

二十里俱葬芷陽十三州志曰霸陵秦襄王所葬芷陽也沅案史記秦本紀云莊襄王昭襄王

此蓋昭襄漢文帝更名霸陵葬曰水章郡國志曰在通化門東

二十里沅案太平寰宇記二作三秦襄王葬于其坂謂之霸上其城即秦繆

公所築沅案郡國志無此文太平寰宇記文與此同不云出郡國志漢王元年十月至霸上

子嬰降文帝後六年宗正劉禮為將軍次霸上文帝後葬其地

謂之霸陵因為縣東南至文帝陵十里王仲宣詩曰南登霸陵

岸回首望長安晉改為霸城沅案霸城後魏為咸陽郡治見地形志此缺載後周建德

二年省關中記曰秦為銅人十三董卓壞以為錢餘二枚魏明

帝欲徙詣洛載到霸城重不可致今在霸城大道南銅人即金

狄也水經注曰城東之人見薊子訓沅案水經注無城東之人四字但云人有見薊子訓

與一老翁沅案水經注云一父老共摩挲沅案水經注無挲字銅人曰正見鑄此計

時已近百年矣沅案百年應作五百年

南陵故城在縣東南二十四里白鹿原上沅案史記正義引括地志同漢文

帝七年置屬京兆尹沅案史記景帝紀云二年置南陵則地理志云文帝七年非也漢舊儀曰

薄太后葬之所亦謂之南霸陵因置縣以奉陵寢後省漢書沂水出藍

田谷北至霸陵入霸水沂音先歷反沅案漢書沂字當為澹字之誤顏師古不知音先歷反此遂誤引之非也

杜陵故城在縣東南一十五里沅案元和郡縣志云在縣東南南三十里太平寰宇記同此漢

宣帝以杜東原上為初陵置縣曰杜陵而改杜縣為下杜城王



莽改杜陵曰饒安

沅案漢書昭帝紀元康元年以杜東原上為初陵更名杜縣為杜陵又案地形志云晉曰

杜城後改今晉志作

後魏改杜陵為杜縣後周建德二年省

杜陵誤而此皆不詳

沅案說文杜陵有亭亭

漢長樂宮在縣東北十里

唐大明宮在縣東北五里今舊迹悉廢唯復道洎含元蓬萊殿

蓬萊山遺趾略存

南內興慶宮在縣東南五里宮牆復道今悉存

翠微宮貞觀二十年營太和宮於終南山之上改為翠微宮正

門北開謂之雲霞門視朝殿曰翠微寢殿曰含風并為太子構

別宮開正西門曰金華殿曰善安

望春宮在縣東十里臨滻水西岸在大明宮之東東有廣運潭

靈符觀兩京道里記曰天寶初桃林獲寶符將入城宿於此因

置觀在長樂城南

太一觀在縣南六十里終南山炭谷口

薦福寺聖容院塔院在縣南三里

慈恩寺在縣東南八里

義善寺在縣南十五里貞觀十九年建

華嚴寺會聖院真如塔在縣南三十里貞觀中建

興教寺在縣南五十里總章三年建

興唐寺在縣東北五里

三像寺在縣東南五十里開元中建

鎮國寺在縣東兩京道里記曰乾元二年方士王列國秦畿內



置寺四十九所此其一也

乾元寺在縣東北四十里乾元三年建

靈應臺并下院共九處去縣六十里并在終南山

陸長源辨疑志曰長安城

南四十里有靈母谷俗呼為炭谷入谷五里有惠炬寺寺西南澗水緣崖側一十八里至峯謂之靈應臺臺上置塔塔中觀世音菩薩鐵像像是六軍散將安太清鑄造

牛頭寺在縣西南二十五里貞觀六年建

羅漢寺在縣南六十里終南山石鑿谷有羅漢石洞三

太平興國寺在府東街舊圖經曰本唐紫微宮天祐初為寺按

西京記承天門南為皇城乃左右春坊與東宮重明門之地

廣惠公祠唐開成二年冊終南山為廣惠公命長安縣令杜燾

南山下置祠宇以季夏土王日致祭

靈臺神廟在縣北四里十道志曰漢文帝罷露臺於此

九龍堂在縣東六里

事具九龍池

澄源夫人湫廟按今縣有顯應夫人廟所在與此正同當是澄

源改封在終南山炭谷去縣八十里唐封澄源夫人湫池尚在

漢文帝廟在縣東本陵北去縣二十五里

漢宣帝廟在縣東南本陵北去縣十里

四皓廟在終南山去縣五十里唐元和八年重建

唐杜相公祠在古城啟夏門內道東去縣八里咸通六年建

漢太上皇陵按高祖十年太上皇崩葬萬年師古曰三輔黃圖

曰高祖初居櫟陽故太上皇因在櫟陽及崩葬其北原起萬年

邑置長丞



薄太后陵在縣東南三十五里白鹿原上

兩京道里記曰陵高四十丈周圍三里六十步去道五里

沅案漢書云葬于長城東平望亭南又案汝州志郊縣有薄姬墓明李宜培有碑蓋傳譌也

文帝霸陵在縣東十里

沅案太平寰宇記云陵北去縣二十五里

白鹿原上

顏師古曰在長

安東南關中記曰陵上為池池有田出道以瀉水

宣帝杜陵在縣東南一十五里

臣瓚曰在長安南五十里沅案元和郡縣志云在萬年縣東南

二十里

唐明皇貞順武皇后敬陵在縣東四十里

武宗母宣懿韋太后福陵在縣東二十五里

下馬陵歲月深遠誤傳為蝦蟇陵

蕭望之墓在縣東南五里古城春明門外

沅案太平寰宇記無明一統志云望之墓

一在沂州一在西安據本傳云望之徙茂陵死天子追念不忘每歲遣使者祠祭望之冢終元帝世則當以此為是

唐杜如晦墓在縣南三十里

沅案太平寰宇記云在大趙邨又案樂史敏求云杜如晦墓在此考

舊唐書云貞觀七年十二月狩于少陵原詔以少牢祭杜如晦墓杜淹李綱之墓則此是而敏求記昭陵陪葬名位又有杜如晦

誤也又鄆陵縣志山東通志萊蕪縣俱有如晦墓蓋誤

郟吉墓在縣南二十里

沅案太平寰宇記云在三趙邨

昭宗母恭憲王太后安陵在縣東二十五里

靖恭太子陵在見子西原

中宗常幸見子陵獵今案霸橋近東三里有大陵鄉俗語訛呼為建子陵

昭靖太子陵在細柳北原

尖冢兩京道里記曰在通化門東二里皇覽云是呂不韋冢

沅案

史記呂不韋傳云就國河南乃飲酖而死駟案皇覽曰不韋冢在河南洛陽北印道西大冢是也皇覽寔不云在此敏求誤引

耳三輔舊事云是子楚母冢皆非也

沅案子楚母即夏太后也史記呂不韋傳夏太后別

葬杜東正義曰夏太后陵在萬年縣東南三十五里其冢制度廣大豈人臣所宜據韋述



兩京記云秦襄王壽陵

沅案史記秦始皇本紀云孝文王葬壽陵莊襄王葬芷陽則壽陵孝文王陵此

云襄王蓋不韋始皇之父母而始皇莊襄王之子以此致惑也

沅案史記正義引括地志云秦莊襄王陵在雍州新豐縣西南三十五里俗亦謂爲子楚始皇陵在北故亦謂爲見子陵索隱

曰莊襄王名子楚四年卒葬陽陵則此莊襄王陵也

馬冢漢滕公夏侯嬰冢也東臨霸水郡國志曰滕公乘馬至此

馬踏地悲鳴因掘地得石椁銘曰佳城鬱鬱三千年見白日吁

嗟滕公居此室公曰天也吾死即安此乎冢在飲馬橋南時人

謂之馬冢

長安圖曰漢時七里渠有飲馬橋夏侯嬰冢在橋南謂之馬冢三里沅案郡國志無此文太平寰宇記文同不云出

及三輔故事史記索隱

蝦蟇墓在縣南六里韋述兩京記本董仲舒墓

沅案太平寰宇記云與平縣董仲舒墓在縣東北二十里又未知何據又李肇國史補曰昔漢

今渭南志通許縣志亦俱有董仲舒墓非

帝幸芙蓉園即秦之宜春苑也

沅案史記秦始皇本紀云二世葬杜南宜春苑中正義曰括地

志云秦故胡亥陵在雍州萬年縣南二十四里顏師古漢書注云宜春下苑即在京城東南隅曲江地是

每至此墓

下馬時人謂之下馬陵歲月深遠誤傳蝦蟇爾

懿宗母元昭晁太后慶陵在縣東二十五里

僖宗母惠安王太后壽陵在縣東北二十五里

顏師古墓在縣南二十里

沅按太平寰宇記曰在三趙邨

王君奭墓在縣東界滋水驛東道北兩京道里記曰君奭開元

中任涼州都督死王事招魂葬此張說爲碑文

沅案太平寰宇記無張說撰神道碑云飾柩至關歸魂上國以十六

年十月詔葬于萬年縣見子之原

渾瑊墓在縣西南十五里

沅案太平寰宇記曰在西李邨權德輿撰神道碑云貞觀五年葬太師于

萬年縣洪固原今臨潼志延安府志俱有瑊墓非也又案太平寰宇記有元載墓在縣南三十里大楊邨王珪墓在縣南四十



五里此  
皆不載

長安志卷第十一

思賢講舍校刊



